

四庫全書

子部

欽定四庫全書

子部

姓氏急就篇卷上

詳校官中書_臣康綸鈞

主事_臣祁韻士覆勘

總校官編修_臣王燕緒

校對官編修_臣汪鏞

謄錄監生_臣陳光第

欽定四庫全書

子部十一

姓氏急就篇

類書類

提要

臣等謹案姓氏急就篇二卷宋王應麟撰其書仿史游急就篇體以姓氏諸字排纂成章以便記誦文詞古雅不減游書又雖以記錄姓氏為主而臚列名物組織典故意義融貫亦可為小學之資篇中凡單姓皆無重字篇

末列二字三字諸姓則不免複出蓋義取兼載故勢難相避其中稀僻之字如梁四公記之類雖託言沈約所撰實詭立稱號本無其人未免失之稍雜然載籍既有此姓刪之反有挂漏之譏過而存之亦不足為累每句之下各注其受氏之源與歷代知名之士必一一標所據之書尤為詳密篇末有自跋一章以歐陽修州名急就篇自比修書今載居士

集中字數無多亦無注釋實不及此書之善
其跋亦作韻語舊本遂誤合于正文考應麟
所作爾雅翼序即用此體蓋馬融廣成頌序
之支流與本書實不相屬今離析書之庶不
失應麟之意焉乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

姓氏急就篇卷上

宋 王應麟 撰

姓氏

若古后皇錫氏姓

若氏廣韻云魯人古氏風俗通周太王去邠適岐
稱古公其後氏焉說苑晉舟人古乘亦作固漢有古
霸孝子古初蜀有廣漢功曹古牧後魏古弼北齊古
道子唐古之奇古玄應古神感抱朴子古強神仙傳
古元之宋古耕道見東坡文又復姓古治氏后氏
孔子弟子齊人后處字子里戰國齊有后勝越有后

庸漢有后倉晉有后綿見蘭亭詩 皇氏宋戴公之
後有皇郎皇父充石之後皇國父皇媛皇非我皇奄
傷又鄭有皇武子皇戌皇頤莊子齊有皇子告敖魏
將皇欣漢執文志天文家有皇公吳有皇象梁有皇
侃神仙傳有皇初平 錫氏漢平帝時交趾太守錫
光梁北涼州刺史錫休儒 氏氏共是儀本姓氏孔
融嘲曰民無上乃改為是後梁氏叔琮
氏延賞 姓氏漢貨殖傳臨菑姓偉

祖黃宗文支葉盛

祖氏商祖已之後有祖伊出范陽後漢祖郎晉祖逖
宋祖冲之梁祖皓後魏祖瑩祖侃祖鴻勳北齊祖珽
唐祖孝孫詠宋祖士衡祖無擇 黃氏柏翳之後羸
姓封黃以國為氏又金天氏之後臺駘封汾川其後
黃國守其祀左傳晉有黃淵衛有黃夷楚有黃歇黃
齊秦博士黃公疵漢四皓黃公功臣表黃極忠循吏

黃霸西京雜記黃公東海人後漢黃香子瓊黃憲穆
唐黃碣璞宋黃庭堅黃中蒙葆光宗氏周卿宗伯
之後出南陽唐世系表出自子姓宋襄公弟叔仕晉
孫伯宗州犂奔楚少子連家南陽以王父字為氏左
傳齊有宗樓衡有宗魯陳有宗豎漢有宗均宗俱宗
姚宗廣宗新宗資宗慈宗預晉宗岱宋宗炳宗愨南
齊宗元卿號宗曾子北涼宗舒後魏宗欽後梁宗如
周後周宗懷唐宗楚客宋宗翼宗澤文氏老子弟
子文子蔡有文之錯楚有文之無畏吳王闔閭師文
之儀越大夫文種宋良醫文摯孔叢子魏文皆漢文
翁文齊文馨穆醜頴文叔良魏文聘欽晉有文立宋
文仲興梁文雲生唐文元忠南齊文獻叔宋文同文
彥博本敬氏避諱改為文支氏姓苑琅邪人戰國
策魏有支期晉有沙門支遁後趙支雄唐支叔才支
詳宋支漸葉氏楚葉公沈諸梁食采於葉音攝今
如字吳有都尉葉雄唐葉法靜善孝辯靜能閩葉翹

宋樂清臣夢得顯衡適濤謙亨 盛氏姬姓穆天子
傳有盛姬盛國女也秦盛橋漢盛苞其先姓夷避元
帝諱改有盛吉盛修盛允盛包盛憲盛道盛孔叔
吳盛冲退晉盛彥唐盛彥師盛均宋盛度僑陶京

曾禰昭穆家法正

曾氏出於鄫姒姓莒滅鄫子孫在魯者別為曾氏藏
參元西始有聞左傳有夭阜後漢尚書曾偉唐曾元
裕宋曾致堯輩布肇曾公亮子孝寬孝序曾幾楨開
禰氏後漢平原禰衡 昭氏楚同姓與屈景為三
族有昭奚恤昭陽昭睢昭常昭獻昭鼠昭魚昭應昭
翦莊子昭文鼓琴 穆氏又作繆氏於謚漢有穆生
後魏改丘穆陵為穆氏有穆壽觀唐穆寧四子贊質
員賞北漢穆令均宋穆修穆衍均 家氏出於周詩
春秋有家父晉有家僕徒風俗通漢家羨為劇令唐
孝友傳家師諒宋家安國定國頤 法氏齊襄王法

車之後後秦滅齊子孫不敢稱田姓以法為氏宣帝時徙三輔世為二千石後漢法雄法真法度蜀漢法正正氏宋正考父之後左傳魯有正常秦博士正先蜀漢益州太守正昂後魏永昌太守正帛史記正伯僑古仙人音征

來昆仍雲世孝敬

來氏殷之別族子姓食采於邾因以命氏後單為來漢有來平來歙來歷來機蜀漢有來敏梁來嶷隋來護兒子恒濟在唐以學行稱相高宗來曜子瑱來鵬來擇昆氏夏諸侯昆吾之後戰國有賢者昆詳莊子黃帝昆閭後車仍氏周有仍叔見詩春秋姓苑仍國名夏后綰有仍氏女雲氏黃帝以雲紀官出緡雲氏之後又後魏宥連氏改為雲氏隋有雲定興唐雲宏嗣雲得臣世氏風俗通戰國策秦大夫

世均藝文志儒家世子名碩陳人孝氏風俗通齊孝公之後敬氏出陳公子敬仲完在齊以謚為氏後漢有敬歆後魏敬珍北齊敬顯雋隋敬肅唐有敬暉捕羽括晦皞會真冕後梁有敬翔

授汝童蒙習孔孟

授氏出姓苑汝氏商有汝鳩汝方晉有女叔寬陳有女叔戰國楚有女阿魏有女商漢有汝章汝都汝雲汝敦汝臣晉汝班童氏顓頊子老童後為氏出東莞後漢循吏童恢又童仲玉東莞童厚之吳隱之母童僧女宋宦者童貫蒙氏其先齊人秦蒙驚子武武子恬穀楚有蒙穀習氏出襄陽漢有習郁晉有習鑿齒蜀漢習隆孔氏與宋同祖子姓閔公生弗父何曾孫正考父生孔父嘉仲尼其後也又衛有孔達孔烝鉏鄭有孔叔又子孔之後孔張陳有孔寧孔奐齊有孔旭仲尼之後漢孔臧安國光融唐

有類達巢父殘戲緯宋有孔道輔文仲武仲平仲
孟氏魯桓公子慶父之後仲孫為三桓之孟號孟孫
氏其後稱孟氏有孟公綽孟子即孟孫之後也呂氏
春秋孔子學於孟蘇又衛侯之兄孟摯亦曰孟氏衛
孟賁秦孟說漢有孟舒孟卿孟喜孟柳孟敏龔布吳
有孟宗晉有孟觀孟嘉唐有簡郊雲卿浩然昭圖說
元陽後蜀孟知祥
宋孟忠厚孟醇

覽載籍

覽氏姓苑云彭城人載氏風俗通云姬姓之後春
秋有載國籍氏晉孫伯厯司典籍以為大政故曰
籍氏後有偃談漢高祖時侯幸有籍孺又有籍福
後漢小黃門籍建將俠傳籍少翁外戚傳籍武

涉篇章

涉氏晉有涉陀涉賓秦有涉間漢有涉何神僊傳有
涉正篇氏周大夫史篇之後章氏戰國策齊有
章子秦將章驕章邯漢御史章賴陳章昭達章華唐
章孝標章八元碣全益宋章得象望之衡世本章姓
任

稽堯虞

稽氏呂氏春秋秦賢者稽黃漢貨殖傳稽發黃帝臣
太山稽之後堯氏帝堯之後魏人司農堯暄又堯
雄隨有堯君素虞氏帝舜之後有虞思虞闕父又
周太伯之弟仲雍曰虞仲武王封其後於河東謂之
虞公其後亦為虞氏戰國有虞卿漢有虞初虞延故
虞翻祁吳虞翻晉虞悺潭宋虞愿唐有世南宋有太
熙允
文

監夏商

監氏風俗通衛康叔為連屬之監其後氏焉呂氏春秋秦大夫監哭韓子宋之富賈有監止子又史記田常與監上俱為齊左右相監一作闕宋登科記有監長世後魏李彪受業於監伯陽夏氏陳宣公以西字子夏別其族為少西氏生御叔御叔生微舒始以王父字為夏氏後有夏鼐區夫又齊有夏御冠衛有夏戊夏育一云夏后氏之後列子湯問夏革趙有夏說漢有夏勤夏方夏恭夏馥夏蘭晉有夏統隋夏興宋夏竦璽商氏商容之後說苑康叔伯禽見商子孔子弟子商瞿商澤齊有商子車子游魏有商文後漢商升唐商价宋商瑤飛卿守拙

禹啟湯

禹氏夏禹之後王僧孺百家譜蕭道游娶禹氏女南
唐將禹萬誠啟氏後燕將軍啟倫通鑑改舊湯
氏成湯之後宋有沙門湯惠休南齊湯休武唐湯嘉
惠湯賁湯緒南唐殷崇義入宋避諱改為湯悅宋有
思退鵬
舉邦彦

武成康

武氏周大夫武氏子見春秋風俗通云宋武公之後
氏於謚秦末武臣自立為趙王項羽之客有武涉魏
將武滿漢有武虎武讓武勃魏武周晉武陟武延唐
武后之族攸緒平一元衡儒衡少儀五代武行德宋
武守琪成氏周文王子成叔之後又周之采地卿
士有成肅公簡公又楚令尹子玉若敖孫也號成得
臣亦為成氏大心熊其後也又晉有成鱣成何齊有
成秩成覲宋有成謹秦有成差並為成氏戰國策周

有成恢韓子成寢善琴三笛有成駒說苑成回學於
子路淮南子成慶漢有成信丹璿嚴翊世梁成景傳
後魏有成淹唐成玄英成玄成伯璵如璆康氏衛
康叔之後齊康昕梁康絢符泰康回康權世說晉有
康僧淵疑是胡人唐有康子元國安康軒希銑亦西
胡姓康日知靈州人祖植開元時縛康待賓平六胡
州後唐康澄宋
康保裔允之

周叔季

周氏周平王子別封汝川人謂之周家因氏焉一云
赧王之後為氏又周桓公宰周公繼守官邑故為周
氏又周任之後亦為周氏魯有豐戰國有最周之公
子趙有舍昭魏有斯市霄叔楚有文漢有勃亞夫昌
仁堪舉樊章磐吳有瑜晉有處訪顏齊有顒唐有瑋
宋有惇頤行已邦彥必大葵操武仲執羔叔氏魯

宣公弟叔肘其後為叔氏有叔老叔弓叔輒叔鞅叔詣又周有叔服鄭有叔詹呂氏春秋齊有叔無繇漢光武時破虜大將軍叔壽後魏乙旌氏改叔氏季氏魯桓公子友春秋曰季子其後為季氏有季冶又隨有季梁列子楊朱之友季梁漢有季布功臣表季必宋有季陵季南壽

侯暴強

侯氏鄭大夫侯宣多侯羽之後也唐世系表云本出姬姓晉侯緡子孫適他國以侯為氏又魯有侯叔夏侯犯齊有侯朝魏侯羸漢侯公侯應侯嘉侯霸侯輔侯文侯登侯芭侯汶侯瑾陳侯瑱後魏侯辯唐侯喜行果高雲長宋侯仲良叔獻暴氏暴辛公之後周畿內國詩序暴公為卿士世本暴辛公作塏韓有暴謹暴戡一作鳶漢有暴勝之新野人暴利長淮陽太守暴汜北齊有暴顯晉建平都尉暴重強氏鄭有

強強
鉏漢功臣表有強
蟬唐有強循強蒙宋有強
強強
至子明後魏

桓莊霸

桓氏出姜姓齊桓公後桓公作伯支庶用其謚立
族命氏齊有桓跳又出子姓宋桓公孫麟矐號桓
子因為氏向魑號桓司馬戰國策楚桓滅列仙傳
桓良秦有桓騎桓楚楚桓嬰漢有桓生桓寬桓譚
桓虞桓榮郁馬典文魯國桓公桓梁魏桓階桓範
吳桓彝晉桓雄桓宣彝溫沖伊景齊有桓康梁有
桓和隋桓法嗣唐有桓彥範執圭莊氏楚莊王
之後氏於謚有莊辛莊豪莊驕宋有莊朝莊董莊
周趙有莊豹齊有莊賈莊霸暴越人莊烏漢莊
忌助青安忽奇翟遵光莊不識宋莊徽莊夏霸
氏益部耆舊
傳有霸相

燕荆王

燕氏姬姓名公奭封燕其後以國為氏又南燕姬姓
孔子弟子有燕伋史記趙將燕周漢有燕倉燕瑗燕
廣後魏燕崇燕鳳北齊燕子獻唐燕欽融重來燕肅
又百濟八姓有燕氏荆氏羊姓鸞熊之後封楚亦
曰荆其後為氏燕有荆軻魏有荆伯柳漢荆卽唐荆
浩宋荆罕儒王氏太原琅邪周靈王太子晉之後
北海陳留齊王田和之後東海出自姬姓高平京兆
魏信陵君之後天水東平新蔡新野山陽中山章武
東萊河東殷王子比干之後又金城廣漢長沙堂邑
河南共二十一望左傳齊有王何猛湫甲豹晉有王
生吳有王犯又魏文侯子孫稱王因為氏龔暢黎其
後也秦有竊賁離琅邪吉駿祥導之先也文中子出
於太原漢徵士霸過江為僑姓王謝袁蕭為大山東
為郡姓王崔盧李鄭為大唐王珪方慶宋王旦曾禹

傅堯臣安石十
朋居正大寶

戰秦項

戰氏見姓苑後漢戰兢宋戰貽慶秦氏嬴姓非子
封秦後以國為氏又舜七友有秦不虛魯有秦堇父
丕茲周邁孔子弟子秦祖冉商非燕有秦開舞陽楚
有秦嘉列子有秦青韓子秦西巴秦越人漢有秦恭
充同彭景頤蜀漢有秦宓吳秦松晉秦秀後魏秦道
靜唐秦叔寶景通系韜玉宋有觀檜傳序玠項氏
姬姓國為齊桓公所滅子孫以國為氏項橐七歲為
孔子師楚有項燕世為楚將封於項生梁梁兄子籍
漢項曼卿吳項峻唐
有項斯宋有項安世

興高光

興氏後漢有謁者長興渠後魏慕容氏破後忌而誅
之時有免者不敢復姓皆以興為氏後詔復舊姓
高氏齊太公之後食采於高因為氏有高侯又惠公
孫竈子彊亦為高氏又鄭有高渠彌高克宋有高哀
孔子弟子高柴詩釋文子夏授高行子即詩序及孟
子所謂高子也穆天子傳七萃之士曰高奔戎漢高
起高不識高相祛高彪鳳魏高柔後魏高允後周宣
帝改高為姜燕高雲高句麗之支屬唐高馮仲舒士
廉郢適宋高瓊防登懌光氏燕田光之後秦末子
孫避地以為氏史記光羽傳易水經注後漢符縣吏
光尼和女終北齊光弁晉有樂安光逸符秦有光祚
南史宋光順之唐有光楚客樂安人宋登科記有光
垂

晉代魏

晉氏姬姓唐叔虞封晉其後氏於國楚有晉陳魏有
晉鄙漢淮南八公有晉昌晉有晉灼後漢晉文經晉
馮魏晉宗西晉有晉邈後魏晉鴻唐晉暉隋晉文衍
晉平東代氏國名趙襄子取其地後以國氏趙有
代舉漢有代武宋有代淵魏氏姬姓國在河東為
晉所滅又畢萬畢公之後仕晉封魏後因為氏周命
魏斯為侯後稱王秦魏冉齊魏徵元忠知古墓扶宏簡宋
舒北齊魏叔隋魏澹唐魏徵元忠知古墓扶宏簡宋
魏仁浦羽攬
之了翁砭杞

齊更梁

更古
衡切

齊氏姜姓太公封齊其後氏於國春秋衛有齊惡豹
六國有齊明列子趙齊嬰漢有齊受唐有齊潞夔善
行光又映抗宋有齊恢齊得一又複姓有齊季氏齊
公子季奔楚為氏有齊季窺見後更氏魏有更羸

見戰國策 梁氏嬴姓周平王封秦仲少子康於夏陽梁山為梁伯後為秦所并子孫奔晉以國為氏晉有梁宏由靡益耳丙嬰孔子弟子梁鱣漢有梁統益耳之後又鴻僅鵠相魏梁習王莽傳梁護奉少昊後後魏拔列蘭氏改為梁氏會稽典錄句章梁宏苻秦梁熙梁成燕梁琛隋梁毗士彥彥光唐梁載言肅宋梁周翰顯適燾克家

隨吞陳

前他切

隨氏姬姓隨侯之後以國為氏漢有隨何隨蕃隨昱又晉士會受隨邑亦曰隨會隋文帝去是為隋說文通釋曰隋裂肉也其不祥大焉殊不知隨從是安步也而妄去之豈非不學之故唐隨德素藪文志隨封陳後為楚滅子孫以為氏陳公子完奔齊為陳氏

孔子弟子陳亢孟子陳良戰國策陳軫陳筮魏陳餘
漢陳嬰平萬年湯寵龜蕃寔魏羣秦晉陳壽梁陳霸
先稱陳唐陳叔達子昂宋陳堯叟堯佐堯咨恕
曜康伯俊卿從易襄薦師道師錫與義傳良

宋過唐

過古
禾切

宋氏子姓周封微子於宋其後氏於國左傳晉有宋
勇宋有宋惺齊有宋郭韓有宋赫楚有宋玉宋猷宋
義漢有昌忠疇疇宏後魏宋弁涼宋混宋繇宋齊
遊道唐有宋璟之問務光後唐有宋令詢南唐宋齊
愈丘宋有宋混白綬敷求庠祁偃咸過氏世本任
姓夏諸侯後為氏漢百官表有過期風俗通有過柳
宋有過勗唐氏唐堯之後又武王子叔虞封於唐
又春秋唐惠侯亦姬姓國魏有唐尚唐睢鄭有唐苟
宋有唐鞅梁有唐舉楚有唐校唐勒漢有唐厲唐蒙
唐都晉有唐彬唐有唐儉休璟宋有唐介詢庚仲友

欽定四庫全書

姓氏急就篇
上

魯春秋

魯氏姬姓伯禽之後悼公為楚所滅子孫以國為氏
公羊傳魯子戰國有魯仲連魯丹句踐漢有魯伯魯
賜魯恭魯奇吳有魯肅晉有芝褒充宗之唐魯炅宋
有魯宗道有開隋魯世達 春氏尚書大傳齊宣王
時有春子呂氏春秋齊有春居又姓苑云春申君
之後 秋氏苑魯有秋胡子宋中書舍人秋當

左丘明

左氏周有左儒又左丘明魯之左史繼守其職遂為
氏又楚左史倚相末裔亦為氏又齊公族有左丘公
子後為氏又商紂有諛臣左強楚有左庚周有左尚
泰有左成戰國策魏左華漢有左咸左隆左雄左原

左彖祖左慈晉左思吳左弈唐左震後秦左雅丘
氏陳有宛丘居者以為姓又邾有丘弱後亦為氏又
風俗通魯左丘明之後又齊太公封營丘支孫以地
為氏世居扶風漢末丘俊持節江淮王莽篡位遂留
江左居吳興列子丘邱章漢有丘子明丘常丘季智
南齊丘靈鞠宋丘淵之梁丘遲又後魏丘敦氏改丘
氏丘堆又複姓匈奴有丘林氏唐丘丘行恭丘為丘悅
丘光庭敬伯啟期宋丘密明氏山公集有平原明
普晉荀晞從事明預宋有僧紹僧曇梁有山賓後魏
明亮齊有明慧昭唐志明氏世錄六卷明黎西域胡
人有明氏唐有明崇
儼宋有明鎬明橐

易田何

易氏齊大夫易牙之後晉有易雄宋有易元吉被唐
李白詩有贈易秀才田氏之先職賦田因為氏晉

有田蘇宋田丙魯田饒魏田子方燕田光又陳厲公
子完奔齊世為卿遂篡國其後亦為田氏蓋以陳田
聲相近云有穰苴單駢巴漢有田叔田何千秋延年
豐翁盛晏終術魏有田疇豫唐田宏正季羔游巖仁
會宋田況錫畫後魏田益宗蠻也何氏唐叔虞後
封於韓韓滅子孫分散江淮間以韓為何字隨音變
遂為何氏又複姓公何氏左傳魯公何藐見後漢武
敝休熙臨顯魏夔晏蜀何_世晉何魯充无忌宋何承
天尚之隋何妥唐易子彥先蕃承天撰姓苑
南唐何徽洙來何少去非鄭羣中立繼筠

費京房

費氏史記夏紀云禹姁姓其後分封有費氏又秦紀
女華生大費是為栢翳大費生子若木實費氏玄孫
費昌為湯御殷有費中又魯有費邑左傳有費本父
又季父氏受費為上卿其後亦為費氏孟子有費惠

公楚費無極戰國費縹漢費直治易又有費遂費貽
長房蜀漢費祿詩觀晉費慈恬又後魏改費連氏為
費氏有費穆隋費曜唐費冠卿宋費樞士寅京氏
風俗通云鄭武子段封於京號京城大叔其後氏焉
漢京房受易本姓李吹律自定為京氏儒林傳又有
一京房梁丘賀從之受易晉有京相璠宋京鏗房
氏出祁姓堯子丹朱舜封於房子陵以父封為氏周
昭王娶於房曰房后戰國有房喜漢房鳳房植南齊
房伯王宋房崇吉後魏房景伯法壽房誼四子裕垣
遂熙號四祖裕孫法壽又後魏屋引氏改為房氏北
齊房謨隋房恭懿房彥謙唐有
玄齡融琯後唐房昫宋房庶

詩申公

詩氏後漢馬援傳交趾女子徵側嫁朱為人詩索
申氏姜姓國申伯之後周有申向喜晉有申書齊有

申鮮虞申蒯鄭有申侯魯有申繻豐須詳楚有申舟
無宇包胥鳴孔子弟子有申振一作黨齊將申縛吳
申胥即伍子胥申陽為河南王韓有申不害漢申培
公申軫申咸宋申纂申垣申元吉晉申永魏申儀後
魏申徽燕申紹申盾宋有申顏
公氏漢有主爵都尉公儉見姓苑

韓嬰

長音

韓氏周武王子封韓後為晉滅因稱為韓氏晉大夫
韓萬曲沃桓叔之子晉滅韓令萬食其地後為氏韓
非韓諸公子列僂傳韓終又複姓有韓餘氏韓宣子
之後有餘子奔齊為氏漢有韓信安國延壽增昌嬰
校韶魏韓暨晉韓伯字康伯延之後魏韓茂韓子熙
唐韓思彥韓愈偃甥後周韓通宋有韓億絳琦忠彥
世忠元吉
嬰氏風俗通晉大夫季嬰之後
氏周大夫萇宏後漢袁術將萇奴唐萇總五代萇從

簡

樂制竇

樂氏宋戴公子衍字樂父玄孫樂毅豫為樂氏其後
有樂喜又楚有樂伯晉有樂王鮒樂徵樂霄孔子弟
子樂歆鄭有樂耳樂成魯有樂頌魏有樂羊樂騰燕
有樂毅樂間趙有樂乘樂池樂祚漢樂說樂恢樂松
樂闌魏樂詳晉樂廣道融隋樂運唐樂彥璋思晦朋
龜宋樂史樂京亮臣制氏漢樂家有制氏世在大
樂官竇氏夏后相有窮之難后緡逃出自竇生少
康其後氏焉晉有竇犖魏文侯樂人竇公又竇屢漢
有竇嬰融唐有竇威德玄易直又竇常牟羣
序庠鞏聯珠集五代竇儀儼侃偁僖號五龍

禮戴慶

慶叶音羌

禮氏衛大夫禮孔禮至後漢禮震受尚書歐陽歆
戴氏宋戴公子女之後以謚為氏有戴惡不勝盈之
韓詩外傳戴晉生見梁王莊子戴晉人漢有戴聖德
野崇長樂憑良就恢宏晉有邈達唐有胄至德叔倫
慶氏鬻子湯七佐有慶輔陳有慶虎慶寅晉有慶
鄭齊有慶克佐封慶史記趙將慶舍漢禮學有慶
普後漢慶鴻慶純避安帝諱改為賀隋有慶整荆軻
衛人謂之慶卿又複姓有慶師慶忌慶父三氏見姓
苑又
見後

史蒼頡

史氏周史佚之後子孫以官為氏又有史籀史伯晉
有史蘇史趙史黯秦有史顗衛有史朝史狗史鮒其
後並稱史氏楚有史皇史裨魏有史起古今人表史
舉韓有史疾漢有史高丹史弼史岑史柱國隋史萬

歲唐史務滋宋史浩 蒼氏黃帝史官蒼頡之後漢
有江夏太守蒼英又復姓淮南子蒼吾繞見後 頡
氏風俗通有頡
術古之賢者

琴師襄

琴氏家語琴牢字子開一字子張左傳孟子云琴張
列僊傳有琴高吳越春秋陳音曰逢蒙傳楚琴氏
師氏晉有師服師曠魯師已師摯師冕師乙師襄師
亥師金鄭有師叔楚師和犁其後皆為氏漢有師丹
師史師臨雅琴師氏名中師曠後魏師纂宋師覺授
宋師頌渾甫 襄氏魯公子遂襄仲子孫以謚為氏
又左傳齊有襄罷師襄伊韓非子魏有鄴令襄疵楚
有襄彊漢大謁者襄韋後漢襄楷風俗通楚大夫襄
老之後又復姓公襄
氏魯公襄昭見後

宰我貢

宰氏周宰孔之後孔子弟子宰予字子我呂氏春秋魯有宰讓淮南子魯宰折睢漢藝文志農家有宰氏後漢有宰曩晉孫拯門人宰意我氏漢藝文志墨家有我氏貢氏孔子弟子子貢其後以字為氏漢時亦有貢禹

子游張

子姓契以玄鳥生為舜司徒封於商賜姓子游氏鄭游吉穆公子偃之孫以王父字為氏左傳周有游孫伯史記周有游騰魏游楚前趙游子遠前燕游遠又漢藝文志有游棟子梁游君公後魏游明根雅孽古唐游重彥宋游酢侶張氏自軒轅子少昊第五子揮始造弦寔張網羅世掌其職後因氏焉莊子黃

帝張若前馬周有張仲晉有張俊老豁趙有張孟談魏張儀韓張翠秦張唐漢張耳張良蒼相如釋之湯後漢張湛堪霸純敏酬綱升晉張華唐張行成說九齡東之嘉貞鎬宋張齊賢詠載舜民庭聖浚拭煮九成孝祥觀闡

楚屈原

楚氏以國為氏晉趙襄子家臣楚隆後唐楚匡祚宋有楚昭輔建中屈氏楚武王子瑕食采於屈因氏焉屈重屈完屈蕩屈建屈申屈生屈平其後新序楚屈廬韓有屈宜臼宋有屈穀淮南子紂臣屈商後漢屈充屈豫吳有屈晃後魏屈遵唐屈貞筠三輔諸屈漢時所徙宋臨海屈元應原氏周文王之子封原伯其地在河內後為晉所滅遷於冀因稱原氏晉更以原封大夫先軫號原軫其後亦為原氏又趙同亦

曰原同周之采地亦名為原有原莊公襄公原伯魯其後亦命族鄭有原繁陳有原仲孔子弟子原憲原允原壤趙有原過漢有原涉後漢原展後魏原靈度

趙荀卿

卿叶乞郎切

趙氏周穆王封造父於趙城後稱趙氏晉趙夙弟衰之後趙籍為侯秦趙良漢有趙慄宗儒宋有趙普槩杵鼎有憲歧典孝康煒唐有趙憬儒宋有趙普槩杵鼎安仁荀姓國語黃帝子十二姓有荀又文王之子邠伯其後去邑為荀晉有荀息荀林父林父始將中軍稱中行民其弟荀首分族稱知氏趙有荀況荀斯漢有荀彧荀淑爽悅戩北齊荀士遜荀濟卿氏風俗通云趙相虞卿之後燕有卿秦後漢有卿仲遠

先董賈

先氏晉大夫先丹木友軫且居穀集古錄後漢先謙
今瀘州有先氏去聲 董氏本己姓颺叔安之裔子
曰董父能擾龍舜賜姓曰董又周大夫辛有二子適
晉與籍氏俱董督晉之史籍因為董氏董因董狐董
叔董安于董褐皆其後也韓子有董不識漢三老董
公董仲舒董子儀董扶蜀漢董允魏董遇後魏董琬
文中子董常晉董褐宋董斧耘漢牂柯大姓董氏唐
董晉 賈氏姬姓國唐叔虞少子公明為賈伯晉滅
之後為賈氏晉有賈華賈伯賈辛又狐偃之子射姑
食采於賈稱賈佗又齊有賈舉賈寅陳有賈獲趙賈
偃漢有賈山誼捐之安國壽護延達琮彪晉賈疋後
魏有賈思伯彞顯度唐有賈耽至貴循島宋有賈黃
中昌朝黜同晉賈弼撰姓氏簿狀傳子匪之匪之傳
子希鏡撰姓氏要狀希鏡傳子執更作姓氏英賢著
百家譜執傳其孫
冠撰梁國親簿

後班揚

後氏五代漢有後匡贊班氏楚令尹闢子文之後
子文名穀於菟楚人謂虎班其子班亦為令尹秦滅
楚遷晉代之間因班氏馬漢有班伯彪固超勇唐有
班景倩宏揚氏其先出自周伯僑以支庶食采於
晉之揚揚在河汾之間漢有
揚雄其後也華陰之族從木

寶慈儉

寶氏見姓苑慈氏見急就篇高辛氏才子之後美
其宣慈惠和因為氏唐慈州因慈氏縣名之
儉氏
見姓苑

帥典常

帥所
律切

帥氏本師氏避晉景帝諱為帥氏晉有尚書郎帥曷
唐帥夜光宋有道士率子廉見東坡集典氏魏志
有典章常氏黃帝使常儀占月又有常先常從老
子師之莊子有常季齊有常之巫越有常壽過漢有
常惠河間中尉常麗後漢有常沖常少魏常林常彤
蜀常璩冉閔臣常煒蜀漢常播宋常珍奇後魏常爽
景陟後周常善隋常得志唐世系表衛康叔支孫食
采常邑因以為氏唐常何袞建敬忠伯達濬謙光南
唐常夢錫宋常闕安民秩同
又複姓伯常氏莊子伯常騫

直諒友

直氏楚人直躬之後漢有直不疑諒氏戰國策趙
辯士諒毅後漢獨行諒輔友氏後漢梁冀傳有友
明通

箴諫防

箴氏風俗通衛大夫箴莊子左傳作鍼其廉反諫氏風俗通漢有諫忠防氏後漢有防廣為父報讎

清伯夷

清氏漢歷志考德曰少昊曰清清者黃帝之子清陽也左傳晉有清沸魍古今人表舟人清涓伯氏風俗通云氏於字晉有伯宗子伯州犁宋有伯氏齊有伯氏呂氏春秋伯牙鼓琴注云伯姓楚人孔子弟子伯虔夷氏論語逸民夷逸周大夫夷詭諸夷采地名邾有夷射姑孟子墨者夷之後漢有夷長公莊子夷節楚臣世本云夷牟作矢黃帝臣

狂接輿

狂氏左傳宋大夫狂狡韓非子太公望殺狂喬東海
居士接氏史記齊有接子三輔決錄有接昕子莊
子曰接子之或使與氏周大夫伯與
之後後魏有與珍左傳萊大夫正與子

列御寇

御音

列氏風俗通云列山氏之後列禦寇著書呂氏春秋
列精子高六國賢人御氏左傳魯有御孫御叔注
御叔御邑大夫史記索隱風俗通有御氏為漢司空
御史名長卿寇氏風俗通云蘇忿生為武王司空
其後以官為氏後漢寇恂後魏改若口引氏為寇氏
有寇讚後周寇雋後梁寇彥卿宋寇準寇域寇庠

路溫舒

路氏國語妘姓陸終子求言之後別封路廣韻唐世
系表姬姓帝摯之後封路以國氏急就篇注路水名

在涿郡界居者氏焉呂氏春秋有路說漢有路中大
夫路博德充國溫舒恭粹賈執英賢傳路中大夫之
後以路中為氏魏路蕃後魏路邕唐有路敬淳嗣恭
隋路巖束路振允迪溫氏已姓周蘓忿生以溫為
司寇春秋時狄滅溫溫子奔衛蘓公之後也國於溫
故曰溫子其後晉取溫大夫卻至食采號溫季子孫
因氏漢有溫疥後魏溫溫子昇北齊溫君悠漢有溫順
溫序晉溫嶠幾唐有溫大雅彥博造宋溫仲舒益
舒氏姓苑云出廬江春秋有舒庸舒鳩舒蓼舒又有
龍舒謂之羣舒皆偃姓皋陶後世本云舒鮑偃姓國
又云舒任姓後漢舒仲應為沛相又太史令舒承梵
詩疏有舒瑗唐舒元興元褒南唐舒雅宋舒亶舒煥

鄭玄卿

鄭氏周宣王弟桓公友封畿內成林子武公徙新鄭
其後以國為氏宋有鄭翩孔子弟子鄭國魏有鄭安

段干閭

平韓有鄭彊趙鄭朱韓王鄭昌漢有鄭當時宏吉崇
子真興衆玄純唐鄭餘慶珣瑜覃畋後周鄭仁誨宋
鄭起文寶戩獬想俠喬又復姓晉鄭丘緩見後玄
氏列僊傳玄俗河間人博物志玄石干日酒泉玉鈞
賦有玄淵即蜎淵也後漢宕渠卿氏見姓苑
玄賀南齊玄元度卿氏見姓苑

段氏鄭武公子共叔段之後風俗通云段干木之後
韓有段規段喬漢有段會宗段嘉段仲溫段彭段翳
段志玄文昌平仲宋段少連又出遼西者鮮卑檀石
實志玄文昌平仲宋段少連又出遼西者鮮卑檀石
槐之後晉有段匹磾龕段干氏宋有干單陳有干徵
師吳越春秋干將吳人楚有干象呂氏春秋干辛桀
之諛臣又肝氏戰國策肝夷一作干又復姓漢有干
已衍見姓苑後漢干吉晉有干寶閭氏出衛國頗

丘荀子梁王美人閭姬後漢閭子真蓺文志五行家有閭昭吳廣州刺史閭豐晉閭和後魏閭大肥閭龍駒閭根閭文祖唐宦者閭興貴集賢注記閭知節為詳正學士

南州潛

南氏周雅有南仲春秋有南季左傳魯有南蒯南遺論語南容南宮縚字子容衛有南文子楚有南公晉南之威韓詩外傳南假子周書史記篇有南氏唐有南霽雲楚材南卓南巨川州氏國名春秋州公國在淳于縣又周有州邑後屬晉以為氏有州綽州賓州侯漢有宦者州輔魏有州泰司馬貞三皇紀州氏姜姓之後潛氏見姓苑臨川人宋有潛敷

東里居

東氏舜七友東不訾漢藝文志兵家有東父里氏
晉里克里龜須鄭里析魯里革太史克也居氏漢

有粵桂林監居
翁東城侯居服

嗣義獻

嗣氏風俗通云衛嗣君後唐神策將嗣先審義氏
風俗通云堯卿義仲之後獻氏風俗通云秦大夫

有獻則見
戰國策

紹充符

紹氏見姓苑韓子宋有紹續昧充氏出周官充人
之後孟子弟子充虞急就篇注古仙人充尚之後見
史記封禪書符氏魯頃公之孫雅仕秦為符璽令
因氏焉琅邪人後漢有符融藝文志符載唐忠義傳

符令
奇

懿閔騫

懿氏左傳陳有懿氏衛有懿氏因姓以名城秦錄有
懿橫後秦吏部郎閔氏魯閔馬父閔損漢閔仲叔
堪林純業貢閔鴻後魏閔弼閔湛唐閔頊騫氏閔
子騫之後後漢騫宏吐谷渾視熊博士騫包唐相騫
味道集賢注記
處士騫無哲

偉黔婁

婁叶力俱切
黔其炎切

偉氏後漢有光祿勳偉璋黔氏呂氏春秋黔如作
慮首禮記齊黔敖敖列女傳藝文志齊隱士黔婁齊威
王臣有黔夫後漢方與人黔陵婁氏郝婁國之後
又遂國有工婁氏漢有婁敬婁發唐世系表出如姓

夏少康裔孫東樓公封杞子孫食邑於婁因以為氏
後漢玄儒先生婁壽又後魏改伊婁匹婁一那婁氏
為婁氏有婁悅北齊有婁昭定遠
唐有婁師德五代婁繼英宋婁機

仰閔散

仰氏見姓苑呂氏春秋舜時仰延益瑟八絃為二十
五弦吳越有寧國節度使仰仁詮宋仰忻以孝稱
閔氏急就篇注云本周之閔人一云周閔天之後漢
佞幸有閔儒散氏古今人表女皇堯妃散宜氏女
複姓也周有散宜生
書注散氏宜生名

欽雋疏

雋粗
充切

欽氏見姓苑雋氏漢有雋不疑雋舍疏氏漢有
疏廣疏受亦作疎後漢黨錮傳有疎耽廣曾孫孟達

自東漢避難元城
去疎之足為束氏

養吾真

養氏楚邑名以為氏有養由基鄧有養甥後漢五行
志養奮字叔高又孝子傳吾氏漢有廣陵令吾扈
吳有吾粲晉有吾彥真氏漢有太尉長史真祐太
醫令真欽北史百濟大姓有真氏宋真德秀本慎氏
改避諱

遂昔初

遂氏左傳舜之後封遂國在濟北四族有須遂氏漢
有遂義昔氏漢有烏傷令昔登唐有登科記昔安
仁昔豐初氏見姓
苑宋有初暉初虞世

卑管晏

管一
作筭

卑氏風俗通鄭卑謚之後漢北平太守卑躬議郎卑
整史通西域胡人有卑氏魏遼東將卑衍管氏周
文王子管叔之後齊有管至父管夷吾管于奚管脩
管穆戰國齊有管燕魯有管周父楚有筭蘇漢有筭
路魏有管寧管輅後魏管怙宋管師仁師常晏氏
齊公族有弱嬰圉父戎虓漢有晏稱唐晏封宋晏殊
復敦

訾孫吳

訾音
貲

訾氏國語晉范宣子家臣訾祐漢有樓虛侯訾順後
漢訾寶宋有訾虎河東將姓苑齊人本蔡氏唐有訾
亮訾嘉珍桂州有訾家洲見柳文孫氏衛武公子
惠孫曾耳為衛上卿因氏焉有良夫林父楚有孫叔

教齊有孫書孫臏吳有孫武漢孫寶魏孫該晉孫楚
絳唐孫思邈邈樵宋孫何覺洙吳氏周太王子太
伯封吳其後為氏魏有吳起漢有吳芮吳公漢良雄
祐晉隱之唐兢融宋吳育充奎遵路臧芾趙孟姚吳
廣女舜之後史記索隱舜後封
虞虞吳音相近故舜後亦姓吳

洛中程

洛氏南涼洛肱後魏有官官洛齊虎賁洛子淵中
氏呂氏春秋中尚魏公子牟之後魏得中山以邑之
風俗通漢少府中京戰國策秦有中期史記中旗
程氏本重黎之後周有程伯休父因為氏又晉程鄭
荀驩曾孫程季之子又有程嬰韓詩外傳齊程本子
秦程邈漢程不識貨殖傳程鄭魏程昱後魏程駿吳
程普唐程知節異務挺千里
晏宋程琳顥顥迥大昌瑀

眉山蘇

眉氏少儀外傳有眉浩山氏周有山師之官掌山
林後以官為氏一云烈山氏之後晉有七輿大夫山
祈王莽封山遵奉皋陶後列仙傳山圖隴西人後漢
山冰山昱晉山濤簡遐宋山謙之後魏有山偉唐山
行章又複姓大山稽黃帝師蘇氏已姓昆吾之後
蘇忽生為周司寇後為氏戰國蘇秦代厲燕有蘇射
秦有蘇涓漢有蘇意蘇建蘇武後漢蘇章魏蘇則西
魏蘇綽北齊蘇瓊列仙傳蘇眇唐蘇味道瓊源明
晁宋蘇易簡舜欽紳
頌洵軾轍安世庠

談論既

談氏晉有征東將軍談巴唐長洲尉談戡又談皎高
州首領談殿宋有談鎬論氏西秦有論叔達唐有

論惟明吐蕃相號大論其大族祿東贊父子世居其位因以官為氏其孫歸唐故中國有武威論氏蕃將論弓仁惟貞惟明宋有論程既氏吳夫既王之後

悦忻如

悦氏前燕悦明悦希悦綰後燕悦真南燕尚書悦壽忻氏見姓纂如氏衛有耳魏有如姬漢貨殖有平陵如氏魏有如淳又後魏如羅氏改如氏王莽溥諫大夫如普

濁猗頤

濁氏漢貨殖傳濁氏以胃脯而連駢元后傳掖庭令濁賢猗氏河東縣名貨殖傳有猗頤頤氏出頤子國秦有頤弱魏華佗傳有頤子猗廣州先賢傳有頤琦宋有頤起

賤陶朱

賤氏風俗通漢有北平大守賤瓊陶氏陶唐氏之
後或單稱陶又虞閼父為周陶正其後亦為氏又成
王封唐叔殷民七族亦有陶氏周司徒陶叔風俗通
云陶氏於事晉有陶狐漢有陶舍陶青陶謙晉陶侃
回陶潛梁陶宏景唐陶沔公達又宋陶穀本唐氏避
石晉諱改又陶弼朱氏急就篇注舜臣豕虎之後
廣韻本自高陽後周封于邾後為楚所滅子孫去邑
氏朱焉又後漢朱暉傳東觀記曰其先宋微子之後
以國氏周衰諸侯滅宋犇碭易姓為朱論語逸民朱
張齊有朱毛魏有朱亥朱倉楚有朱英莊子朱泚漫
漢有朱建家買臣邑雲傳宇贛穆浮輔雋寓震魏朱
錄後魏渴燭渾氏改朱氏唐有朱敬則子奢宋有朱
壽昌光庭長文震熹又復姓公朱氏楚
大夫朱高見後又邾氏梁將軍邾菩薩

俠便儼便房

連切

俠氏韓相俠累之後見急就篇便氏漢恩澤侯表
有便樂成枚乘七發便蝸即蝸子也儼氏國語司
空季子曰黃帝之子二十五宗其得
姓者十四人為十二姓儼其一也

權利移

權氏出自殷武丁之子封權南郡當陽權城是也周
衰入楚為權氏姓苑云楚武王使閭緡尹權後以為
氏居天水後漢有左輔都尉忠符秦有權翼後周權
景宣唐有權皋子德興又有權萬紀寅獻若訥宋有
權邦彥利氏漢有利幾利乾史記功臣表載侯利
倉宋有利師道今建昌軍有之利元吉見朱文公集
良齊公子風俗通漢有宏農太守移
移氏風俗通漢有宏農太守移

譽淵生

譽氏晉有平原太守譽粹淵氏世本有齊大夫淵
湫又復姓子淵氏左傳齊頃公之孫子淵捷見後
生氏見
姓苑

計鼂危

計氏粵有計然漢上人史記文子姓華名妍文子其
字也號曰計然吳越春秋作計碗一號計研後漢有
計子勲宋有計用章有功衡鼂氏風俗通衛大夫
史鼂之後漢有鼂錯亦鼂中常侍鼂閔後魏鼂崇鼂
清唐鼂良貞宋鼂迴宗懋補之說之詠之公武危
氏南唐危全諷吳越危仔倡更姓元氏宋危整危積

審富貴

審氏出周司空屬官王審曲面勢者漢審食其後漢
審忠審配魏審固富氏周大夫富長富辛鄭大夫
富子衛富術楚富摯趙富丁後漢陳留太守富宗唐
富嘉謨福信宋富弼孫直柔貴氏出自陸終之後
風俗通漢廬
江太守貴遷

安佚遺

安氏風俗通云漢有安成為太守後漢末有安息國
王子世高入朝因居洛陽後秦安鸞後魏安頡安原
唐安金藏李抱玉本武威安氏賜姓後唐安重誨胡
人宋有安德裕守亮燾丙佚氏左傳鄭有佚之狐
遺氏魯季氏
家臣南遺之後

萬鍾祿

萬氏孟子弟子萬章漢魯國萬生後漢萬脩又有萬
或晉長沙太守萬嗣宋萬幼宗燕萬陵後魏萬安國
代人隋萬寶常唐萬敬儒國俊宋萬適鍾氏楚有
鍾儀鍾建列子有鍾子期漢有鍾元鍾皓鍾興魏有
鍾繇晉有鍾雅唐世系表楚鍾離昧次子接居潁川
長社為鍾氏唐有鍾紹京鍾傳南齊鍾嶸五代吳有
鍾泰章祿氏紂子祿父
之後宋有祿禧為吳曦用

印鈕

印氏鄭穆公子宋子印其孫印段以為氏子印癸
鈕氏見姓苑吳興人東晉有鈕齒陳章后本姓鈕又
有鈕氏隋有紀回以孝稱子士
雄累氏晉有七輿大夫累虎

守不變

不甫
鳩切

守氏見姓苑 不氏晉有汲
郡人不準 變氏見姓苑

寧寒饑

寧氏與秦同姓秦襄公曾孫謚寧公支庶因以為氏
史記寧越趙人呂氏春秋楚有寧國一曰寧寧本一
姓衛寧俞之後史記寧成作寧成 寒氏左傳寒浞
呂氏春秋寒哀作御寒風相馬漢游俠傳寒孺後漢
有寒朗晉地有寒氏 饑氏左傳周分康
叔殷民七族有饑氏史記西伯伐饑同

處顏冉

處氏史記趙有處子漢執文志法家風俗通漢有處
與晉顏川處穆又複姓韓詩外傳陳之富人處師氏
封邾邾武公名夷父字顏公羊傳謂顏公其後稱顏

孔子弟子顏氏八人回為四科之首有顏無繇幸高祖之僕噲何魯有顏闔顏丁鳴息羽齊有顏庚衛有顏離由趙有顏最莊子顏成子游戰國有顏率顏觸漢有顏駟顏異安樂魏顏斐晉顏含宋有顏延之南齊顏見遠北齊顏之推後周顏之儀唐顏師古杲卿真卿宋顏大初復冉氏魯有冉會冉猛冉豎孔子弟子冉耕冉雍冉求冉季冉孺漢冉宏冉璆顏師古曰今夔州開州首領多姓冉西南夷冉種也唐冉仁德

遇皋夔

遇氏風俗通漢有遇沖皋氏皋陶之後越大夫皋如韓詩外傳有皋魚漢東平中尉皋丹漢有皋宏皋伯通吳郡人陳有皋文奏夔氏羊姓國熊繹六世孫熊摯自棄於夔其子孫有功王命為夔子後以國

為氏呂氏春秋孔子學於夔靖
叔趙有夔騰夔安燕有夔逸

衛蘧寧

衛氏姬姓文王子康叔封衛其後以國氏宋有衛平
秦有衛先生號漢有衛綰青衛肱毋擇廣衛後漢衛
宏衛羽衛茲魏衛臻伯晉衛瓘玠展後魏衛冀隆隋
衛文昇唐衛衛次公大經包伯王北漢衛融宋衛膚敏
涇蘧氏衛有蘧瑗宋有蘧富獵後漢中常侍蘧政
宋徐州典籤蘧蘧法生又璩氏唐登利記有璩抱朴
寧氏衛武公之後有寧跪速俞殖喜又齊有寧戚周
有寧越漢有寧成寧壽寧寧乘列仙傳寧封子為黃帝
陶正隋欽州刺史寧猛南平渠帥有
寧氏唐有寧原悌嘉祐宋有寧子儀

殷箕微

展禽是

殷氏商子姓盤庚遷殷於是殷商兼稱武王克紂子孫分散以殷為氏又殷水在潁川居者亦以為氏呂氏春秋殷整甲戰國策衛殷順且秦有殷通漢有殷仲殷廣德殷周崇陶肅謨晉有殷浩仲堪宋殷景仁後魏殷紹唐有殷開山仲容踐猷寅侑文圭又複姓史記子性分封有北殷氏箕氏殷有箕子箕國名左傳晉有箕鄭箕遺箕襄箕邑名太原陽邑新序魏有箕季王莽傳漢有箕閔周勃傳箕肆臧荼將箕肆晉代將軍箕澹微氏殷有微子微仲微國名左傳魯有微虎微牧誓微人國在巴蜀

展氏魯孝公子字子展孫無駭以字為展氏後有展禽展喜展莊叔展瑕展玉父又吳大夫展如彪漢有展隆後魏改輶遲氏為展氏隋有展子度禽氏魯有禽鄭秦有禽息墨子弟子禽滑釐漢有禽慶禽堅

是氏吳有是儀唐有是光
又賜姓齊氏見集賢記注

洩冶非

洩氏鄭有洩駕陳有洩冶魯有洩聲子吳有洩庸亦
作泄魯有泄柳趙有泄釣衛有泄姬漢有泄公治
氏左傳魯有治區夫衛有治厘非氏
栢駟之後有非子漢有大司農非調

尚父呂

尚氏呂望為周武王大師號尚父其後以為氏戰國
策韓有尚靳漢有尚但尚長蜀漢尚充唐有尚駟尚
衡方技傳尚獻甫宦者傳尚衍尚國忠又蕃將尚可
孤尚延心宋尚霖父氏呂氏春秋吳有父之儀
呂氏姜姓四岳為禹心呂之臣賜氏曰呂呂尚其後
也世本呂任姓又晉呂錡呂相本魏氏戰國周相呂

倉齊相呂禮秦相呂不韋楚呂臣漢呂季主步舒吳
有呂蒙岱唐有呂元膺諱才渭溫延祚宋有呂端餘
慶誨蒙正夷簡公著大
防大臨祖謙頤浩夏卿

阿衡伊

阿氏風俗通阿衡之後又後魏阿伏干氏改阿氏
衡氏其先伊尹阿衡之後因而氏焉漢衡咸衡方衡
胡唐衡方厚衡守直宋衡規伊氏商伊摯伊陟其
後為氏漢儒林傳有伊推御史中丞伊嘉王莽封伊
玄奉伊尹後魏伊馘北齊伊長游後蜀漢有伊籍唐
有伊慎伊超後蜀伊審徵皇甫謐云堯初生寄於伊
長孺
之家

廉藺壯

廉氏孔子弟子衛人廉絜趙有廉頗韓詩外傳越有
廉稽漢廉寢丹范忠魏廉昭唐廉坦宋廉正臣廉布
蘭氏晉穆公之後韓獻子玄孫康食邑於蘭因氏
馬趙有蘭相如漢馬后母蘭夫人王莽傳有蘭包唐
蘭果唐尚藥直長蘭復珪右武衛將軍蘭墓并州長
史蘭仁基又蘭興聚壯氏國語晉大夫壯馳茲
良平奇

良氏鄭穆公子去疾字子良孫良霄以字為氏後漢
有良賀王莽傳羌豪良願平氏齊晏平仲之後漢
有平當子晏王莽傳有平憲燕有平規北齊平鑒唐
有平任在安祿山幕府平曾平貞昏平善政平致美
奇氏後魏改奇斤氏為奇氏高
車種有異奇斤氏後魏奇道顯

耿鄧奮

耿氏耿在河北祖乙所都居者以為姓又耿國姬姓
晉滅之其後亦稱氏又晉以耿賜大夫趙夙亦為氏
漢有耿壽昌育豐後漢有耿弇純唐耿仁智漳宋耿
傳南仲秉鄧氏曼姓國其後為氏一云殷王武丁
封叔父於河北為鄧侯因氏焉楚有鄧析陳有鄧元
漢有鄧弱鄧公鄧平鄧馮禹彪魏鄧艾晉鄧攸騫聚
遐漢有鄧氏官譜後魏鄧淵苻秦鄧羌唐有鄧世
隆景山惲宋有鄧潤甫名世肅奮氏楚有奮揚

馮汲遲

馮氏其先本歸氏又畢公高之後食采馮氏因命氏
鄭大夫有馮簡子齊有馮驩魏有馮離趙有馮忌韓
有馮亭秦有馮章馮母擇去疾勃劫漢馮唐奉世商
異衍勤魴緄良晉馮懷後魏馮元興隋馮慈明唐馮
宿五代馮道宋馮拯元京時行康國汲氏衛人漢
有汲黯後漢汲廉晉羣盜汲桑後魏汲固唐汲嗣宋

汲靖 遲氏商書遲任古賢人王莽時
平原女子遲昭平晉湘東太守遲超

依於義

依姓國語黃帝之子十二姓有依 於氏黃帝臣於則
這履漢功臣表沙安侯於單唐初於士澄以魏州降
義氏商書有誼伯古今人表云義伯漢有義縱博士
義倩呂氏春秋周威公得義蒔而禮之唐有義逸

侯厥時

侯氏漢藝文志儒家有侯子又後魏侯奴氏改侯氏
復姓侯分氏高車姓 厥氏京兆人見姓苑漢賜衡
山王妾厥氏衡山王賜傳美人厥姬 時氏世本子
姓孟子齊有時子魏有時苗晉時延祖隋時德叡唐
時常春孝子傳時惠珣唐
末時溥宋時彥時俊時濶

巢由隱

巢氏有巢氏之後堯有巢父又國名巢伯殷諸侯左
傳楚有巢牛臣後漢司空巢堪宋巢尚之隋巢倚又
巢元方著病源唐巢孝儉宋巢谷由氏秦相由余
之後又楚大夫王孫由于有忠勇之節楚人亦謂其
族為由氏風俗通漢有隱翁吳有隱蕃隱

彭薛歸

彭姓陸終子曰錢封於大彭謂之彭祖楚有彭仲爽
彭名彭生彭陽孟子弟子有彭更莊子有彭蒙韓子
有彭喜漢彭越彭宣後漢彭寵彭閔彭璆唐彭景直
宋彭乘汝礪思永龜年薛氏世本任姓夏奚仲封
薛周有薛侯其後為氏宋有薛居州趙有薛公越絕
書相劍薛燭列子薛渾漢有薛澤薛廣德薛宣薛方

薛包吳薛瑩後魏薛聰隋薛道衡唐薛收元超授逢
存誠宋薛奎居正田季宣歸姓春秋胡歸姓國魯
昭公母齊歸唐
有歸崇敬登融

謹靖虛

謹氏見姓苑南豐集有謹郎中靖氏齊靖郭君之
後風俗通又云單靖公之後隋靖德立唐靖君亮號
陳留八俊涇州別駕靖延五代靖長官
靖吟虛氏見姓苑說苑有虛子羔

道勝肥

道氏國名左傳楚有道朔勝氏呂氏春秋勝書說
周公戰國策齊有勝股目漢藝文志兵技巧有公勝
子肥氏白狄國名趙有肥
義後漢有肥親黥布將肥銖

集翁孺

集氏風俗通漢有外黃令集一翁氏漢貨殖傳翁伯販脂墨子夏后開使翁難乙灼白若之龜唐翁承贊宋翁彥深蒙之孺氏論語魯人孺悲唐少室山人孺登注龍虎篇

臨園池

臨氏公羊傳魯有臨南後漢臨孝存前趙臨深隋臨孝恭園氏風俗通云氏於四皓有園公陳留志園庚襄邑人號園公列仙傳有園客池氏風俗通漢有中牟令池瑗又有池仲魚東池聖夫

賓旅滿

賓氏周有賓滑賓起齊有賓胥無賓媚人旅氏漢功臣表有旅卿旅罷師滿氏風俗通荆蠻有瞞氏

音舛變為滿一云陳胡公滿之後莊子有滿荀得漢有滿昌滿宣滿默滿殷魏有滿寵晉有滿奮梁滿騫

唐滿存水
滿中行

征繇希

繇音

征氏列僊有征伯僑見司馬相如大人賦宋登科記有征復處士征君見荆公集繇氏咎繇之後漢有繇延希氏三輔決錄希海字子江戰國策希寫見趙建信君又有希卑

頌難老

頌氏見姓苑難氏百濟人老氏宋戴公五世孫老佐韓子魏有老儒史記老子姓李名耳謚曰聃又複姓老萊子著書列子師老商氏宋宦者有老氏

湛母為

湛氏後漢大司農湛重晉湛方生陶侃母湛氏梁湛
僧智海珍又複姓湛盧氏見後母氏母丘或為母
唐集賢學士母昀右補闕母景五代蜀相母昭裔宋
有母守母湜沈為氏風俗通漢有南郡太守為昆
後趙始平人為最後魏改大洛稽氏曰為氏又複姓
公為氏魯昭公子公為之後魯士官公為珍見後

錢聃偓

錢音
箋

錢氏姓苑云彭祖姓錢名鏗聃氏周文王子聃季
後以國為氏左傳周有聃啟鄭有聃伯鄧有聃甥
偓氏列僂傳偓仝廣韻韋
昭云姓偓槐里採藥父也

曼壽期

曼姓春秋鄧國左傳鄭有曼伯又復姓曼丘氏漢韓王信將曼丘臣見後壽氏吳王壽夢之後左傳吳有壽越壽於姚又魏有壽餘後漢有壽光世王莽傳有壽良期氏風俗通有期

言未悉

言氏孔子弟子吳人言偃字子游

缺

悉氏

缺

春秋

未

氏唐吐蕃傳尚恐熱姓未名農力

神農師悉諸

新序云悉老

庶類別

別筆
列切

庶氏衛公族以非正嫡號庶氏禮記子思之母庶氏之女也又春秋邾庶其來奔其後亦為庶氏

類氏

見姓苑別氏見姓苑揚州人漢藝文志有別成子望軍氣宋有別之傑

繡繒羅帛締葛越

繡氏漢游俠傳有繡君賓繒氏史記禹姁姓其後
分封有繒氏春秋作鄩魯有鄩鼓父史記鄭司城繒
賀漢功臣表有繒賀羅氏頗頊後封於羅今房州
也子孫以為氏左傳注羅熊姓又復姓秦有大羅洪
世本夏有武羅其後氏焉周大羅氏掌鳥獸其後氏
焉羅國為楚所滅其後號羅侯氏漢貨殖傳羅哀蜀
漢羅憲晉有羅含企生後魏羅結唐有羅珣讓士信
道琮隱虬鄭衮宋羅處約從彥適時板楯蠻七姓有
羅帛氏宋帛產之後彥見韓非子詩釋文帛妙子
授大毛公漢侍中謁者帛敞後漢有帛意帛宣馬援
名馬式依帛氏口齒水經注晉有帛仲理神僊傳有
帛和又龜茲王帛純宋帛氏奴締氏周有締邑在
野王縣以邑為氏晉知伯臣有締疵葛氏本國氏
漢有葛嬰後漢有潁川太守葛興葛光晉有葛洪列

仙傳葛由唐葛福順宋葛勝仲邨越氏史記晏
子傳有越石父越句踐之後國語芊姓之別國

練染紅采素赤白

練氏見姓苑染氏石晉時有染閔紅氏見廣韻
采氏風俗通漢有度遼將軍采皓素氏後魏并

州刺史素延赤氏見姓苑呂氏春秋赤冀作曰列
仙傳赤斧巴人白氏出姬姓有白乙丙其後為氏

喬孫白起周白圭漢白生白光缺白羸晉漢中人
白落北齊白建唐白居易敏中缺德元光士讓

明達吐谷渾白義成五代吐谷渾酋長白承福南唐
白昌裕宋白常白時中又複姓有白公氏楚白公勝

之後

綸絮絛布褚衣服

絮女居切

綸氏魏遼東將軍綸直 絮氏漢張敞傳有絮舜
繇氏孟子齊有繇駒左傳魯有繇房生晉張方以繇
思為腹心後魏改余繇氏為綿氏 布氏晉陶侃傳
有江夏布興又復姓姑布氏姑布子卿相趙襄子荀
子注或本無姑字 褚氏褚師官名也衛有褚師圓
褚師子申比宋有褚師段共公子其後為氏又周有
褚氏之地居者亦因為氏漢有褚大褚少孫褚廣褚
鳳晉褚裒陶南齊褚淵梁褚翔仲都隋褚暉唐有褚
亮遂良無量載璆南唐褚仁規 衣氏見姓苑中庸
注齊人言殷聲如衣今姓有衣者殷之冑與 服氏
漢藝文志易傳有服光後漢服虔戰
國策客有見人於服子列僊傳服閭

帝帶皮冠寢逢掖

帝氏出自顓頊大彭之後夏封其別孫元哲於豕常
苗裔以國為氏因家彭城漢楚太傅帝孟遷魯其後

賢玄成為相後漢常彪吳常昭梁常叔後周常孝寬
唐帝挺承慶嗣立貫之處厚述奉丹應物宋帝淵關
中郡姓帝裴柳薛楊杜首之帶氏六國有帶他
皮氏漢有皮揚皮容皮常後魏皮豹子北齊皮景和
周書史記篇有皮氏戰國策趙有皮相國晉有皮初
皮沈皮素宋皮延宗唐皮皮日休宋皮仲容冠氏列
僊傳有冠仙古玩切風俗通古賢者鵲冠子之後古
丸切襄氏似姓國禹後因國為氏見史記逢氏
陳有逢滑秦有逢孫齊有逢丑父楚有逢伯吳有逢
同左傳無音穆天子傳逢固列子秦人逢氏披氏
見廣韻

弁第履綦囊被襲

第府勿切

弁氏左傳晉有弁糾藥糾也魯卞莊子東方朔傳作
弁前趙弁廣第氏左傳晉有第翰胡古今人表有

第肘即佛肘也音弼 履氏見姓苑史記晉宦者履
綦氏見姓苑宋綦密禮又後魏改綦連氏為綦
氏有綦雋隋有綦良綦公順 囊氏齊大夫囊帶楚
公子貞字子囊其孫囊瓦 被氏呂氏春秋鄭有被
瞻古今人表有被雍漢有九江被公能為楚辭 襲
氏後漢益州將襲肅宋有襲蓋卿風俗通實人七姓

襲有

旃毳屏幕裘緯幅

屏步
丁切

旃氏見姓苑又複姓乙旃氏高車十二姓後魏改叔
孫氏 毳氏見姓苑 屏氏晉邑趙括號屏括屏季

幕氏國語注虞幕舜後幕姓見廣韻 裘氏衛大
夫食采於裘氏邑亦官名後以為氏廣韻又云本姓
仇避讎作裘姓纂會稽有之裘豨詢十九
世同居 緯氏見廣韻 幅氏見廣韻

金鑑玉瑞瑄瑄

鑪音慮玉音
肅增音快

金氏金天氏之後漢有金王孫日碑勾奴休屠王太子因祭天金人賜姓金氏其後有金安上敬金尚金棣北齊金祚秦金熙本東胡種又吳越避諱改劉為金新羅王金氏高麗人金行成唐上虞令金堯恭宋金安節鑪氏左傳楚有鑪金又作鑪王氏後漢司徒玉況京兆人瑞氏見姓苑增氏見廣韻瑄氏見廣韻

栳甌斛盎孟瓶壺

栳布
回切

栳氏漢有栳育歷志安陵人治終始爰盎傳栳生音栳秦時賢士善術者甌氏見姓苑斛氏北齊有斛子慎盎氏見姓苑孟氏孟衛晉邑名左傳衛有孟釐晉孟丙為孟大夫廣韻作孟丙瓶氏風俗

通漢太子少傅瓶守後趙錄有北海瓶子然壺氏
史記晉文公臣壺叔莊子壺子漢有壺遂充國信史
記衛壺蠶
後漢壺崇

鈞鑄鐵鑽錡錙父

錡魚綺切錙音鏃集韻字作
鈞氏風俗通云楚大夫元鈞之後漢侍中鈞喜鑄

鈞氏風俗通云楚大夫元鈞之後漢侍中鈞喜鑄
氏呂氏春秋漢武帝封皇帝之後於鑄廣韻又云堯
後國為氏左傳臧宣叔娶于鑄鐵氏隋有鐵士雄
又復姓赫連勃改其支庶為鐵氏匈奴有鐵弗
氏鑽氏呂氏春秋有鑽茶魏惠王將又有鑽氏見
姓苑先賢傳漁陽人數授二字音同錡氏周分康
叔以殷民七族有錡氏戰國策韓有錡宣漢藝文志
有錡華後漢有錡嵩錙氏出彭城父氏舜典有
父斨宋明帝
時有父季真

鐔 鈇 鉞 鈇 刈 把 鉏
鐔音尋 鈇他口徒口切 鉞其廉切 鈇音姚 把蒲巴切 鉏仕居切

鐔氏後漢有鐔顯蜀漢太常鐔承宋上洛太守鐔長

生 鈇氏見姓苑吳越鈇滔見十國紀年通鑑鐔

氏魯鉞巫氏鉞季秦三良有鉞虎衛有鉞莊子陳有

鉞子鉞宜咎 鈇氏後漢有鈇期韋昭曰鈇國名

刈氏見姓苑宋有刈懷 把氏把東樓公之後避難

改西魏襄州刺史把秀又復姓把利氏党項 鉏氏

晉有鉏麋魯鉏商又復姓公鉏氏

左傳魯有公鉏極公彌曾孫見後

刁鐔 戈 役 劉 銳 瞿
刁音凋 役都外切

刁氏齊豎刁之後漢有戊巳校尉刁護貨殖傳刁間

後漢刁韙刁榮吳刁嘉刁玄晉刁協後趙刁膺後魏

刁雍刁冲北齊刁柔南唐刁彥能衍宋刁約 鐔氏

左傳齊有鐔父晉有鐔遏冠新序晉有鐔鳴漢藝文

志楚太傅鐸椒

戈氏史記禹如姓後分封有戈氏

設氏後漢有役諷陳忠傳尚書令祝諷祝或作役

劉氏陶唐氏之後劉累學擾龍事孔甲范氏其後

也左傳晉有劉難漢高祖堯之裔唐劉子玄撰家史

推漢為陸終苗裔非堯後又周大夫食采於劉有劉

康公夏摯卷又漢婁敬項氏賜姓劉又劉淵本匈奴

河南劉氏羅長之後又後魏改獨孤氏為劉漢劉德

向般寬寵昆魏劉邵廐晉劉寔毅頌宏琨宋劉穆之

隋劉焯炫唐劉晏黃宋劉溫叟敞邠恕安世摯銳

氏齊有銳司徒主銳兵者又見姓苑鮮早有御史中

丞銳管瞿氏王僧孺百家譜云裴桃兒娶蒼梧瞿

寶女風俗通漢南太守瞿茂梁有瞿延唐有瞿稹安

祿山將瞿伯玉辰溪童子瞿柏庭升仙又瞿令問會

稽典錄永寧女瞿素宋長沙瞿景鴻又複姓有瞿雲

氏西國姓世說注僧伽提婆罰賓人姓瞿曇氏唐太

史監瞿曇悉達

唐

執文志

瞿曇謙悉志有瞿曇誤

三

旗罕函介剡革渠

革音棘剡音咸

旗氏齊卿子公孫竈子施字子旗之後漢九江太守

旗光

罕氏鄭穆公子字子罕其孫罕虎以為氏又

晉有罕夷

函氏漢有豫章太守函熙以官為氏

介氏晉有介

之推吳有方士介象又春秋有介葛盧

介國名搜神記吳介琰剡氏見廣韻革氏漢功臣表有革達唐李白詩贈革處士渠氏左傳衛有

渠孔渠子周有宰渠伯糾漢有

尚方監渠穆莊子齊有渠公

弋射張弓羽弭弦

張音盧

弋姓詩孟弋公穀春秋定弋姓苑出河東蒲州有弋

氏宋淳化中御史弋子元又複姓弋門氏見姓苑

射氏漢歷志典星射姓三輔決錄云漢末大鴻臚射

咸本姓謝名服天子以為將軍出征姓謝名不服不

祥改為射後漢天文志清河相射鬲吳有射慈隋志
射氏撰禮記音義隱張氏史記功臣表盧卿索隱
曰漢表姓張張即盧古張弓字弓氏魯大夫叔弓
之後漢有安陵人弓林光祿勳弓祉晉江夏太守弓
欽唐弓志元洺州司馬弓嗣業羽氏鄭穆公之後
羽頡子羽孫又後魏羽弗氏改羽氏漢曹參擊羽嬰
於昆陽弭氏三輔決錄有弭生字仲升宋有弭德
超後漢有弭彊弦氏以國為氏風俗通云弦子後
齊有弦多弦施章弦商
鄭有弦高晉有弦超

車輦鉤轅膠漆堅

車氏黃帝使車區占星氣漢有車令執文志有車忠
田千秋以年老朝見得乘小車出入宮禁中因號車
丞相子孫氏焉後漢車成車胄吳有車浚晉有車永
濟車允灌齊有車僧朗前秦車煩後秦車普後魏改

車煨氏為車有車伊洛又複姓齊有車門遽
見姓苑 鈎氏左傳有吳句卑音鈎蜀有句氏避宋
高宗諱或改為鈎又複姓有無鈎氏出自楚見後
韓氏亦作表陳胡公之後韓濤塗頗咺漢有韓生韓
固韓終古韓豐韓寄生 膠氏殷膠鬲之後漢有膠
倉 漆氏家語汪芒氏守封隅之山周為長翟古有
漆沈為晉相唐漆朗 堅氏後漢有
堅鐔漢酷吏傳燕趙之間有堅盧

軒軫軫乘訇長阡

軒音呼軾音枯乘
食證切訇呼宏切

軾氏見廣韻 軾氏見字統 軾氏廣韻吳縣有之
集古錄陳果仁妻軾靜緣 乘氏漢儒林傳有乘宏
百官表有乘昌又齊幸臣乘距益州太守乘勝吳興
人乘與撰帝王世紀漢衡山王賜后乘舒呂氏春秋
乘雅作駕南齊乘公濟 訇氏蜀錄關中流人訇琦
通鑑晉秦州流民訇氏 長氏論語長沮孟子長息

左傳晉大夫長武子衛有長胖後漢邛人長貴
阡氏唐有阡能邛州牙官紀云邛州蠻

橋泉運漕杭舟船

橋氏黃帝葬橋山羣臣追慕守冢不去者因以橋為
氏漢儒林傳橋庇橋仁貨殖傳橋挑孔叢子橋子良
後漢橋玄橋瑁橋庖蜀橋贊唐橋公山橋寶明泉
氏世本泉任姓苑吳全琮之後暉食封白水改焉
宋明帝泉美人後周泉公唐泉彥宗又高麗蓋蘇文
姓泉氏子泉男生子獻誠運氏見姓苑漕氏漢
游俠傳西河漕中叔子少游以俠聞杭氏出姓苑
杭州有此姓舟氏號大夫舟之僑國語舟人國名

見姓苑
船氏

茨壘苦堵泥辟垣
苦失廉切辟音壁
堵音者或丁古切

茨氏後漢茨充字子河又復姓茨訖氏晉有茨訖仲
壘氏涼酒泉太守壘澄本姓裴氏苻秦梓潼太守
壘襲又復姓有中壘氏苦氏左傳魯有苦夷季氏
家臣堵氏鄭有堵叔堵喻彌堵女父堵狗泥氏
見姓苑辟氏左傳齊辟司徒主壘壁者漢有富室
辟子方垣氏風俗通垣秦邑因為姓秦始皇有
將垣齟漢西河太守垣恭後漢宗成將垣副晉宏農
太守垣延宋垣苗垣護之南齊垣崇祖榮祖垣歷生
垣壘深梁垣孟孫

宮闕臺觀殿郵軒

觀工
喚切

宮氏虞有宮之奇戰國策周有宮他後漢宮崇宋宮
儀北齊宮鍾虓北史恒農有宮姓後唐宮彥暉抱朴
子宮嵩闕氏風俗通闕黨童子之後縱橫家有闕
子著書漢有闕翊闕宣臺氏風俗通金天氏裔孫

曰臺駘其後氏焉漢侍中臺崇逸民臺佟晉莒術傳
有臺產宋臺亨善畫五代楊行密將臺濛觀氏夏
同姓諸侯以國為氏晉有觀虎楚有丁父起從瞻射
父皆其後也戰國策有觀鞅後漢有零陵人觀鵠
廐氏見姓苑卹氏晉有卹良亦曰卹無正無恤即
王良也西京雜記有卹長倩軒氏軒轅之後公羊
傳鄭軒虎即罕虎也
後漢有諫大夫軒和

樓閣舍邸與柱欒

樓氏夏少康之裔周封為東樓公子孫因氏焉晉有
樓邑趙嬰號樓嬰魏文侯弟樓季戰國樓緩樓昌樓
薛漢游俠樓護後漢儒林樓望漢末樓泰自譙徙居
會稽吳樓玄晉樓寢後魏改賀樓氏為樓氏宋樓郁
鑰閣氏見廣韻史記倉公傳有閭都尉舍氏見
廣韻邸氏風俗通漢有邸杜北齊邸珍唐刑部員

外郎邱懷道與氏見廣韻杜氏列子皆有杜厲叔樂氏晉靖侯之孫樂賓後有成技盾書鉞厲盈又齊惠公之後有樂施衛有樂寧漢有樂布樂說樂大樂巴晉有樂肇唐有樂濛宋有樂崇古

堂字鞏固閨閭閭

堂氏風俗通堂楚邑大夫伍尚為之其後氏焉韓詩外傳堂衣若又復姓漢堂邑氏奴甘父又云堂邑父宇氏見姓苑後漢儒林傳字融鞏氏周大夫食采於鞏以為氏有鞏簡公又晉鞏朔唐陳敬瑄將鞏咸五代鞏廷美宋鞏彥輔豐固氏漢古今人表晉船人固乘新序船人固桑說苑舟人古乘閨氏閨令尹喜之後又夏有閨龍逢唐世系表出閨龍逢之後韓子鄭大夫閨其思漢有閨並閨寵閨靖蜀漢閨羽後魏閨朗南涼閨尚南齊閨康之隋閨謹唐閨播宋閨沼耆孫閨氏左傳楚有閨與罷閨氏出姬

姓左傳康叔取於有閭之士以共王職晉成公子懿
食采於閭邑閭嘉晉閭縣大夫以邑為氏又有閭沒
楚有閭敖齊有閭職秦閭過漢閭澤赤閭奉崇還章
陽詳柔圖象魏閭溫晉閭鼎續隋閭毗唐閭立本朝
隱濟美士和後唐
閭寶宋閭象安中

譙門開闕候閉縣闕章委切
縣音玄

譙氏以國為氏漢有譙玄蜀漢譙周晉譙秀登梁譙
淹宋譙定門氏周禮公卿之計入王端門之左教
以六藝謂之門子其後氏焉莊子有門无鬼後魏門
文愛唐淄青留邱門察五代後晉門鐸開氏衛公
子開方之後漢開章又宋有開趙本趙氏闕氏見
廣韻候氏周禮有候人其後氏焉開氏嶺南有
之見登科記縣氏孔子弟子縣成家語孔子弟子
縣宣吕氏春秋縣子石學於墨子禮記縣子瑣縣賁

父

維索絞約竿繞纏

索素各切
管阻厄切

維氏後漢維紀妖巫卷縣人索氏漢有索願索班
晉有索靖緤紃索邈涼有索泮索敞索嗣唐索元禮
仇後唐索自通宋索湘左傳周分魯公殷民六族有
索氏絞氏以國為氏見姓苑約氏姓苑韓有賢
者約續竿氏後漢有竿融亦作筵風俗通楚有竿
倫本作筵竿氏後漢左傳秦有繞朝纏氏漢藝文志
有纏子著書又繩氏

隰陸封野井疇連

隰氏齊莊公曾孫戴仲之子隰朋後有隰鉏斯彌隰
黨陸氏竿姓陸終之後楚接輿陸通又齊宣王封

少子建於東原陸鄉因以為氏陳留風俗傳云陸渾
國之後漢陸賈陸績康吳陸遜抗凱續晉陸機雲玩
南齊陸澄梁陸倕後魏改步六孤氏為陸氏陸真陸
侯北齊陸又宋陸參陸經唐陸德明元方象先贄淳
龜蒙宋陸佃九淵封諡封君達吳封備晉封釋燕封
有封具漢有封觀封諡封君達吳封備晉封釋燕封
裕孚弈懿後魏改是賁氏為封氏有封肅敦文隆之
北齊封孝琰唐封倫封德彝敦演常清又復姓細封
氏党項野氏左傳魯有野洩又復姓有中野氏大
野氏見後野利氏党項井氏姜子牙之後穆天子
傳井公又井利穆王嬖臣虞大夫井伯後漢井丹井
畢宋有井淵亮采井度疇氏左傳越有疇無餘疇
國任姓連氏莊子連叔齊大夫連稱閩連重遇宋
有連庶庠南夫又復姓大連氏高車姓後魏改是連
氏為
連氏

市肆貿易稅緡錢

市氏燕有將軍市被肆氏宋大夫肆臣之後漢有肆都肆敏史通漢有肆仁賀氏見姓苑東莞人鬻氏半姓鬻熊為文王師其後楚有鬻拳稅氏荆州記云建平信陵縣有之宋登科記有稅挺緡氏有緡國名見姓苑錢氏彭祖裔孫孚周錢府上士因官命氏晉錢鳳錢端宋錢樂之隋錢士雄唐錢起徽九隴嘉會五代吳越錢鏐宋錢惟演易明逸彥遠藻颺若水公輔熙顥景謚

農糴教庾饒米粟

糴徒
弔切

農氏風俗通云神農之後又複姓蘇農氏羌姓見後糴氏左傳晉有糴茂教氏顗頊大教之後五代吳有教駢宋有教陶孫庾氏堯時掌庾大夫以官命氏周大夫庾皮過衛庾公差後漢庾乘晉庾袞純

亮翼宋坦之後周庾信隋庾季才自直唐庾抱敬休
承宣準饒氏漢有饒斌為漁陽太守見風俗通中

黃門饒喜見纂文唐饒京孝女饒城宋饒節米氏
胡姓唐米逢米遂米暨米實米海萬五代米君立志
誠宋米信米璞米贊米芾子友仁芾以米氏為楚胄
又複姓兜項有米禽氏粟氏後魏郡太守粟舉

糗食資儲糗酒麴

糗去夕切
音緒

糗氏風俗通漢有糗宗為羸長食氏漢儒林傳有
食子公又複姓大食氏大食國王資氏陳留風俗

傳黃帝之後四明志會稽有資氏儲氏齊大夫儲
子之後見孟子漢王莽傳有儲夏後漢儲大伯爵融

唐儲光義儲仙舟後唐伶人儲德源宋儲用
見姓苑酒氏見廣韻麴氏出西平漢有麴義麴

演麴聖卿晉麴允麴特麴護北齊麴珍麴顯貴麴紹
西秦麴景隋麴稜唐麴信陵為望江令又高昌王麴

氏傳國九世有麴昭好學
崇裕有武藝宋有麴紹

府庫浩穰鹵鹽沃

府氏風俗通漢有司徒掾府性庫氏風俗通古守
庫大夫後以官為氏漢王嘉曰孝文時居官者長子
孫以官為氏倉氏庫氏倉庫吏之後也後漢金城太
守庫鈞後魏庫結浩氏漢大鴻臚浩賞北地浩商
魏浩上黨人唐浩虛舟穰氏齊將穰苴之後史記
義縱傳河內豪穰氏竹書紀年梁有穰疵南氏史
記游俠傳太原鹵公孺後漢昆明夷鹵承鹽氏魯
國先賢傳北海相鹽津沃氏風俗通商太甲子沃
丁之後列僊
傳有沃焦

鄰伍曹耦戲博鞠

戲博鞠
羈切許

鄰氏漢藝文志老子有鄰氏經傳伍氏亦作五楚
伍參之後有舉奢尚員陳勝傳伍逢漢有伍被宏後
漢伍瓊伍孚伍宏孝子傳伍襲吳伍延宋伍緝之南
唐伍喬曹姓出陸終子安周武王封曹叔挾於邾
又文王子曹叔振鐸後以國為氏又魯有曹劌齊有
曹開亦稱曹氏孔子弟子曹卹孟子有曹交漢曹參
後漢曹褒曹曾魏曹操丕篡漢有曹植晉曹志毗梁
曹景宗唐曹憲確宋曹彬翰輔後魏曹世表匈奴有
曹轂耦氏風俗通宋卿華耦之後漢有侍中耦嘉
戲氏處戲氏之後後漢北海戲子然魏有潁川戲
志才博氏古有博勞善相馬耦氏后稷之孫耦
文喬氏焉燕太子傳耦武西京雜記耦道龍風俗通
漢高書令耦潭一作耦晉耦炎
南燕耦仲宋有耦詠耦真卿

卓倚鏤檀曰爨燭

卓氏戰國楚有卓滑漢有卓王孫卓茂更始將卓京
唐卓英璘倚氏廣韻楚左史倚相之後鏤氏見

姓苑檀氏周有檀伯達又齊公族食采檀城因為

氏有檀子鄭有檀伯魯有檀弓漢檀長卿檀敷檀彬

晉檀憑之宋檀道濟和之道寧齊檀超後周檀荔唐

檀智敏宋檀宗旦宗益曰氏左傳華氏家臣曰任

龔氏戰國策魏龔襄華陽國志昌寧大姓龔習魏

龔谷為交趾太守晉蠻酋龔量又龔亮蜀錄交州刺

史龔深寧州有諸龔氏唐西龔蠻梁元帝時有龔瓚

據其地唐中郎將龔寶璧見突厥傳燭氏鄭燭之

武晉趙簡子行人燭遇秦丞相燭

壽又複姓齊有燭庸之越見後

勞敝賜餽攜潘沐

勞氏漢有琅邪賊勞丙姓纂其先居東勞山因氏焉
琅邪有勞山魏王凌舍人勞精晉有勞楊蘭亭禊會

有勞夷 敝氏左傳齊有敝無存 賜氏世本云齊
大夫簡子賜之後 鮑氏淮南子晉有鮑間倫 搗
氏見姓苑 潘氏水名在滎陽畢公之後子季孫食
采於潘因氏又云楚公族荀子文王誅潘正晉有潘
父楚有潘崇也黨小臣燕有潘壽魏潘勗吳潘濬璋
晉潘岳尼京後魏改破多羅氏為潘氏有潘符永基
隋潘徽唐潘好禮炎南唐潘佑宋潘美興嗣良貴
沐氏後漢有沐茂沐寵魏沐並晉沐謙後趙沐堅又
複姓沐簡
氏見姓苑

東脩簡編紙檢牒

東氏本疎氏避難除足為東晉有東督臨川集有東
向 脩氏漢有屯騎校尉脩炳外戚傳武帝時醫脩
氏吳有大都督脩則桂林太守脩元晉脩肅南齊脩
靈祐 簡氏魯大夫簡叔周有簡師父蜀志簡雍傳

云本幽州人姓耿後音訛改為簡編氏後漢律歷志編斫方術傳編育紙氏後魏改渴侯氏為紙氏

魏檢氏見姓苑牒氏後魏改牒云氏為牒氏後魏牒云具仁東魏牒雲洛北齊牒舍樂武感人

學術丕緒表楷式

學氏見姓苑術氏見廣韻漢五行志注知天文者冠鵠冠禮圖謂術氏冠戰國策有術視丕氏晉大

夫丕鄭子豹亦作丕緒氏見姓苑古今人表注式夷見楷氏見廣韻式氏見姓苑古今人表注式夷見

呂氏春秋

質假耗匱減啻縮

質氏漢貨殖傳質氏以酒削而鼎食後漢質堪與服志注假氏漢儒林傳陳留假倉耗氏見姓苑

匱氏姓苑云廬江人韓氏外傳齊有匱生見曹相國
晉武帝有匱才人減氏漢有減宣嗇氏見廣韻

縮氏戰國策
魏安陸人縮高

荒喪戚哀急救恤

荒氏見廣韻喪氏見廣韻楚大夫左戚氏衛
邑名大夫孫文子食采後因為氏漢功臣表戚總南
更梁有戚哀後梁戚昕宋戚同文子維綸哀氏風
俗通魯哀公之後因謚為姓漢王莽時有哀章梓潼
人世說秣陵袁仲後漢掇庭技人哀置念氏西魏
太傅念賢抱罕人父求就子華救氏風俗通漢有
諫議大夫救仁史記江都人救赫劉向別
錄易家有救氏恤氏禮記魯有恤由

恩惠紆憂黎元睦

恩氏風俗通陳大夫成仲不恩之後前燕東庠祭酒
恩茂惠氏周惠王之後戰國策魏有惠施列子惠
盎後漢惠衢唐惠靜壽李懷光將宋惠柔氏紆氏
後秦肥鄉侯紆邈憂氏見姓苑黎氏黎倭國之
後世本子姓呂氏春秋武王封堯後於黎又少昊之
衰九黎亂德黎氏九人也漢功臣表黎朱蒼後漢黎
奔蜀黎韜吳黎斐後魏改素黎氏為黎後周黎景熙
唐黎幹逢埴宋黎鎔確又交趾黎桓元氏衛有元
咍又後魏孝文改拓拔氏為元氏唐有元德秀行沖
結鎮萬頃宋元絳其先本危氏改又元勛元袞代北
為虜姓元長孫字文于陸
源實首之睦氏西胡姓

渾儀靈憲宣夜星

渾氏左氏傳鄭大夫渾罕衛渾良夫唐渾城本鐵勒
九姓之渾部儀氏禹時儀狄作酒陳大夫儀行父

徐大夫儀楚漢西河儀長孺相馬馬援傳靈氏風俗通齊靈公之後或云宋公子子靈圉龜之後宋有靈不緩晉有靈輒越有靈姑浮列女傳衛靈宗室靈主漢功臣表靈常舜七友有靈甫憲氏見姓苑急就篇注周司寇之屬布憲其後以官為氏宣氏風俗通宋宣公之後氏於謚急就篇注周宣王之後漢有宣虎宣義宣秉宣鄴宣靖宣褒宣璠魏宣隆晉宣聘宋宣繒夜氏後漢五行志洛陽男子夜龍星氏羊氏家傳南陽太守羊續娶濟北星重女

度次酉亥巳丙丁

度氏漢有度尚宋有度正又後漢板楯蠻七姓有度唐方城鎮遏使度軫次氏呂氏春秋荆有勇士次非淮南子作次漢書注次飛酉氏國語黃帝子十二姓其二曰酉廣韻魏有酉牧亥氏孟子晉有亥

唐 已姓黃帝子十二姓有已姓又祝融之後八姓
已姓昆吾蘇顧溫董世本康君姓已氏莊子南方墨
者已齒左傳戎州已氏 丙氏漢有高宛侯丙脩丙
吉貨殖傳魯人丙氏樂志黃門名倡丙彊唐李元紘
本丙氏曾祖榮賜氏 丁氏齊丁公之後氏於謚太
公金匱武王伐殷丁侯不朝漢有丁復丁寬丁禮丁
鴻丁恭丁牧丁宮丁即魏丁謚晉丁渾
唐丁公著桑立道護宋丁度謂寶臣隱

畫景晃晏朔望盈

晏音緩

畫氏風俗通畫邑大夫之後因氏焉 景氏楚同姓
有景翠景鯉景陽景舍景差景駒秦有景監孟子有
齊大夫景丑又有景春漢邊入關有景建王莽傳景
尚後漢景慮景丹景毅景鸞景防唐元載本景氏華
陰好時諸景漢時所徙五代景延廣宋有景煥景思
詛 晃氏後漢有晃畢謀誅曹操不克 晏氏晉西

中郎將晏清宋朱子門人晏淵朔氏見姓苑南陽人望氏見姓苑魏興人宋登科記有望儼盈氏

見姓苑唐藝文志論語盈氏集義

要腹牙舌口拳甲

要於霄切

要氏吳人要離之後漢有河南令要兢唐有要廷珍腹氏戰國策趙有腹擊呂氏春秋墨者有鉅子腹

缺牙氏周君牙之後口氏廣韻同州有之舌氏國語趙大夫舌庸拳氏左傳衛有拳彌甲氏

春秋赤狄有甲氏莊子甲氏也著封也注甲氏楚同宗左傳甲父古國名晉氏羌有甲吉見渚岳關中詩

頤頤肩矐而須髮

頤烏納切矐音而

頤氏左傳遂國四族頤氏左傳晉有頤頤肩氏見姓苑莊子肩吾又複姓公肩氏見後矐氏漢游

俠傳濟南閻氏 酈氏左傳宋有酈班漢功臣表酈
跖 須氏風俗通太昊之裔須句國之後左傳楚大

夫須務本年魏有須賈漢功臣有須無史記索
隱密須氏之後 髮氏漢儒林傳東海髮福

舉擻搯覺敦恭恪

音擻拱集韻作擻
音搯搯音誨覺音蒂

舉氏見廣韻 擻氏姓苑云河內有之 搯氏見廣
韻 覺氏王莽傳覺憚 敦氏陳留風俗傳姑姓之
後急就篇注秦文公時史 敦之後呂氏春秋陳有惡
又曰敦洽晉張方將敦偉 恭氏晉大子中生號恭

君其後氏焉 恪氏
晉有中郎令恪 啟

區董機枕莞茲席

董音董竹器也
莞音官區音甌

區氏古善劍區治子之後漢有中郎區博區景長沙
區星象林蠻象林縣功曹子區連齊高帝區貴人

廣韻云今柳州有之唐韓文公有送區冊序區宏詩
柳子厚有童區寄傳區景思邈州人宋有區華宜州
人又歐氏見後董氏見廣韻機氏說苑魯有恭
士曰機汜史記仇液戰國策作機郝枕氏出下邳
莞氏見姓苑蕭該案風俗通姓氏篇有莞管二姓
莞蘇楚大夫見呂氏春秋漢有莞路見儒林傳今本
作莞茲氏左傳魯大夫茲無還韓子有茲鄭子新
序魯茲無靈漢馬融廣成頌茲飛即飛也漢書注
引呂氏春秋荆有茲非茲飲音相近四明志會稽有
茲氏席氏其先籍氏避項羽名改為席後漢竇融
司馬席封議郎席廣晉席坦席遂南齊席恭穆席豪
後魏席法友後周席固唐席豫席夔席辯席傳元慶
宋席益席
平席汝言

然炭冬融緩筋骨

然氏鄭穆公子子然之孫然丹為楚右尹又有然明
滕然友漢有然溫炭氏西京雜記長安炭蚪冬
氏前燕左司馬冬壽又有冬鸞融氏世本祝融之
後又複姓融夷氏祝融後董父之胤以融夷為氏
緩氏北姓緩稽氏改筋氏見姓苑骨氏隋京兆
郡丞骨儀天竺胡人南唐歙州刺史骨言唐孝友傳
骨英秀又複姓
護骨氏高車種

尊延嵇阮進駝裁

駝音萬
裁音贖

尊氏風俗通云尊盧氏之後延氏漢有延廣後漢
延篤延固蜀公孫述有延岑後魏可地延氏後為延
有延普宋有延盟嵇氏本姓奚鉉縣有嵇山家於
其側因氏焉魏有嵇康子紹在晉宋有嵇頴北齊嵇
暉宋嵇元榮後魏代人八姓有嵇嵇敬嵇根世為統
奚部阮氏漢阮倉後漢阮况魏阮瞻武晉阮籍咸

种裕梁阮孝緒宋阮逸思道進氏見姓苑
融氏梁四公融杰裁氏梁四公裁黯音端

好焦尾桐改操曲

耗好音

好氏見纂文焦氏周武王封神農之後於焦又姬
姓國其後為氏漢有焦延壽焦况焦和焦觸焦儉魏
有焦先晉焦嵩宋焦度西秦焦遺唐焦遂焦懷肅焦
伯瑜宋焦千之寅尾氏莊子尾生後漢劉虞故吏
尾敦又複姓尾生氏古今人表尾生高尾生晦又尾
勺氏見後桐氏本草有桐君藥錄改氏秦有大
夫改差操氏隋鄱陽操師乞曲氏晉穆侯子成
師封曲沃子孫以為氏秦御史曲宮漢代郡太守曲
讓謙貨殖傳曲叔晉曲安遠唐曲
環曲元衡曲承裕宋曲珍曲端

冷倫喜謳舞優劇

冷氏亦作伶冷人掌樂之官因為氏黃帝時冷倫其
後周有冷州鴈秦冷至冷句漢冷褒冷豐功臣表冷
耳冷廣伶氏周伶悝漢伶玄伶徵南燕冷平方術傳
冷壽先倫氏風俗通冷倫之後喜姓國語注有
施喜姓國妹喜其女也謳氏左傳趙有謳陽舞
氏見姓苑優氏倡優也楚優孟秦優旃劇氏齊
大夫食采於劇因為氏燕有劇辛又有劇子著書漢
有劇孟後魏劇鵬古今人表昆辯呂覽作劇貌辯唐
有劇燕宋
有劇可久

嘉會甥舅男姥怡

嘉氏晉大夫嘉父見左傳會氏漢有會相甥氏
風俗通晉大夫呂甥之後舅氏晉舅犯之後男
氏史記禹後分封用國為姓有有男氏世本作南
姥氏見纂文怡氏姜姓之後史記索隱神農後有

怡氏後周有怡峰本
姓默台避難改焉

姚
媯
嬴
媯
如
姜
姬

姚氏舜母握登生舜於姚墟因為氏鄭姚句耳秦姚
賈漢姚定姚平王莽傳有姚恂吳姚信陳姚察唐姚
思廉崇南仲合宋姚內弒益恭鉉坦聞舜明晉姚弋
仲羌人媯姓舜居媯水之汭其後因姓媯周武王
求舜後得媯滿封陳王莽封媯昌奉虞帝後後漢有
媯皓文士傳媯覽後漢丹陽督唐媯雅李愬將嬴
姓舜賜伯翳姓嬴氏漢儒林傳東平嬴公黨錮傳嬴
洛媯姓黃帝子十二姓有媯裔孫伯儵封南燕詩
韓媯左氏燕媯媯氏為后稷元妃如姓禹顓頊之
孫賜姓如氏禮緯曰祖以吞薏苡生周武王之母太
如又如國臺駘之後王莽封夏後如豐姜姓炎帝
以姜水成故為姜堯命四岳為侯伯賜姓曰姜周太

王妃太姜後漢姜肱姜岐姜詩姜叙蜀漢姜維後秦
姜龕唐姜墓公輔師度寶詛怡來姜遵姜潛凱姬
姓黃帝以姬水成子十二姓一曰姬青陽倉林同于
黃帝皆為姬周姬姓漢封姬嘉為周子南君姬常為
周承休公後周姬願隋姬
威王莽傳有姬黨姬就

娥英城莘摯任祈

娥氏後魏將軍娥清北齊娥永樂英氏皋陶之後
封於英國春秋楚滅英六漢英布六縣人城氏契
母簡狄有城氏之女莘氏湯妃有莘氏之女古
人表作摯帝繫曰有莘氏之子產文命莘國如姓夏
后啟封支子於莘後為氏唐有莘融摯氏任姓奚
仲仲虺之後太任之家也唐世系表祖已七世孫成
徒國於摯詩摯仲氏壬左傳周有摯荒漢賁殖傅茂
陵摯綱高士傳摯峻後漢摯恂晉摯虞瞻任姓黃

帝十二姓之一文王之母太任又任國太皞之後風
姓見左傳孔子弟子任不齊魏任章任座趙任登秦
任鄙任囂漢任敖任安任缺任光任隗任棠延晉任
愷魏任嘏梁任昉唐任敬後唐任圜宋任中師布
伯雨文薦祁姓黃帝子十二姓之一堯祁姓晉有
杜祁又祁縣在太原晉大夫祁奚之邑因為氏後有
午又祁舉祁瞞漢祁大伯爵晉祁宏祁濟
宋祁寬祁華元振會稽典錄有祁庚

坛姪繁麗嫪威施

姪音鄙嫪
郎到反

坛姓鄆鄆偁陽姓坛陸終子會人鄆之祖也姪氏
見纂文繁氏見姓苑麗氏見姓苑後梁道士麗
婦真能畫嫪氏出即郕秦嫪毒威氏風俗通云
齊威王之後新序湯學乎威子伯施氏魯大夫施
伯之後施伯惠公之孫施父之子後有施孝叔又殷
民七族有施氏孔子弟子施之常漢施讎施延吳施

然績晉施融唐施敬本土丐肩吾宋施昌言
師點元之又複姓禮記魯有少施氏見後

琅環步搖副象犀

琅氏齊有大夫琅過環氏楚賢者環淵史記齊宣
王時環淵為上大夫後漢公孫述將環安後有環濟
撰要畧晉孫彥妻環氏宋環中步氏左傳晉有步
揚步招食采於步以為氏卻至子步毅孔子弟子步
叔乘吳步乘步鴈又後魏改步鹿根氏為少氏宋有
步諒為江西總管搖氏越東海王搖句踐之後漢
功臣表海陽侯採母餘越將劉氏後魏改副呂氏
為副氏又複姓副伏羅氏高車十二姓象氏見姓
苑伯象先生見漢藝文志新序
犀氏魏將犀武犀首魏官名

芬郁塗丹芳澤脂

芬氏晉大夫芬質郁氏魯相郁貢之後唐郁渾應
百篇舉又或氏晉中常侍或宏堂氏風俗通崆山
氏之後漢有盜憚高道傳崆定辭又有徐氏丹氏
見風俗通堯使子朱處丹淵為諸侯唐鳳翔牙將丹
駿芳氏後漢有芳丹據新豐風俗通漢有幽州刺
史芳乘澤氏見姓苑脂氏後漢有京兆脂習與
善孔融

姚佼嫫嫫姚提姚思典切佼音絞嫫音墨嫫音曉姚

姚氏說文殷諸侯疑姓也春秋傳商有姚邳姚氏
後漢姚彊嫫氏見廣韻嫫氏見廣韻姚文姚氏

氏見纂文姚氏見廣韻姚文提氏
左傳晉有提彌明史記示昧明示音祁

僮兒臧獲給使宜

字兒如

僮氏風俗通漢交趾刺史僮尹廬陵僮芝僮恢東觀
記作僮種兒氏後魏改賀兒氏為兒氏臧氏魯

孝公子軀臧僖伯之後有連辰許紇戰國策宋有臧

氏漢有燕王臧荼臧固臧鴻臧宮臧洪吳臧均宋臧

質齊臧榮緒唐臧希讓臧嘉猷獲氏宋大夫猛獲

之後給氏見姓苑使氏漢霍光傳使樂成恩澤

侯表作便

宜氏見姓苑

林樊喬木侈枚條多侈音

林氏周書史記篇有林氏風俗通林放之後左傳魯
有林雍楚不狃論語林放列子林類莊子林回漢功

臣林摯儒林林尊後魏丘林氏改林氏唐林蘊林攢
宋林逋之奇光朝大中丘林句奴姓樊氏周仲山

甫為樊侯後以為氏左傳有樊皮樊齊孔子弟子魯
樊遲秦樊於期周樊餘又殷民七族有樊氏漢樊噲

樊宏志張子昭蜀漢樊建後魏樊子鵠北齊樊遜後
周樊深隋樊子蓋唐樊澤宗師綽宋樊知古光遠樊
察又巴郡蠻五姓有樊喬氏出姬姓本橋氏又句
奴貴盛姓喬氏代為輔相晉喬智明前趙喬泰喬豫
唐喬知之喬琳喬紹俊喬潭夢松宋喬惟岳執中行
簡木氏晉木華玄虛作海賦宋木待問又唐百濟
八姓有木氏倂氏廣韻漢有倂宗又多氏見後
枚氏漢有枚乘枚臯根赫孔叢子魏有枚產史記索
隱云蓋以銜枚氏得姓條氏左傳周分魯公殷民
六族有條氏魏武威太守條茂後趙錄冉閔司空條
枚

柏槐梧杞棘栩叔

柏氏古帝有柏皇氏列子穆天子傳柏天主車又柏
國在汝南西平縣後以為氏周語晉十一族有柏魏

又晉羊舌肸食采於楊亦曰楊肸老子弟子楊朱韓
有楊達秦楊樛楊熊漢楊僕楊敞興後漢楊震秉賜
彪楊喬蜀漢楊洪儀戲魏楊阜隋楊氏楊素唐楊綰
於陵憑凝宋楊徽之億繪大雅時萬里偕楊簡晉楊
飛龍氏也 柘氏楚地名後為縣所居之人因命氏
史記越大夫柘稽 桑氏秦公孫枝子桑之後齊有
桑掩胥莊子有子桑户楚辭云桑扈漢桑宏羊桑欽
晉桑虞隋桑顯和唐桑如珪道茂石晉桑維翰宋桑
惲景恂樛 樛氏漢樛公守滎陽 樛氏韓有樛留漢
有樛樂子廣德封襲侯魏有河內太守樛尚亦作樛
桑甘杏栗梅李桃

桑氏後漢桑祗本棘氏其先避難改文士傳有桑據
晉桑嵩桑映 甘氏殷武丁臣甘盤之後一云晏姓
之後又周王子帶食邑於甘號甘昭公又卿士有甘
簡公甘過列子甘蠅善射齊甘德秦甘龍甘茂甘羅

欽定四庫全書

卷上

漢甘延壽甘英甘始甘定吳甘寧晉甘卓唐甘暉甘
伯宗杏氏見姓纂栗氏古帝栗陸氏之後燕栗
腹漢儒林傳栗豐貨殖傳栗氏又有栗融後漢中常
侍栗嵩後魏栗法光唐明州將栗鎧梅氏子姓殷
梅伯之後漢有梅銷梅福又南陽有梅免晉梅頤梅
陶後魏梅景秀興之隋有梅知巖宋梅詢堯臣摯執
禮李氏老聃生而指李樹因以為氏唐世系表出
羸姓皋陶為堯大理以官命族理徵子利貞食禾子
得仙改理為李晉有李離李調魏李克李悝趙李牧
李同李左車秦李信李斯漢李廣李膺李固蜀漢李
嚴李恢唐李氏涼武昭王之後宗室為相九人世系
表十一人又李絳藩鄜吉甫德裕紳泌嚴石宋李昉
沈迪綱常侗桃氏左傳周有桃子孟子弟子有桃
應後趙將有桃豹北燕桃仁關尹子云桃子五仕而
心五化真

誥桃俊

棠棣花鄂茵芸蕭

棠氏齊邑名有棠無咎棠公之子 棣氏王莽司馬
隸並花氏唐成都將花驚定五代吳有花虔 鄂
氏晉鄂侯之裔殷亦有鄂侯又楚王弟鄂君漢安平
侯鄂千秋又板橋蠻七姓有鄂 茵氏呂氏春秋秦
有茵改守塞吏 芸氏姓纂晉有芸賢 蕭氏本殷
之六族成王以封伯禽又有蕭國子姓宋之支子食
采於蕭世本子姓有蕭氏風俗通云宋樂叔以討南
宮萬立御說之功受封於蕭列附庸之國後因為氏
漢蕭何望之蕭奮齊梁皆蕭氏唐蕭瑀至邁八
葉宰相賴士號蕭夫子南唐蕭儼宋蕭燧之

昌蓮萑茹萋萋蒿

萋力
俱切

昌氏後漢有東海昌稀昌霸梁有昌義之莊子黃帝
昌寓驂乘列仙傳昌容戰國策周有昌他 蓮氏西

陽雜俎北海人蓬球
苒氏呂氏春秋荆文王臣苒

苒苒氏晉有苒千秋南齊苒法亮北齊苒瞻宋有
苒孝標後魏普陋苒氏改為苒有苒皓吳人苒氏
穆天子傳七萃之士曰苒豫苒氏後魏改一邨苒

氏為苒氏
蒿氏見姓苑

穀稷稻麻麥牟苗

穀氏春秋穀伯穀在穀城縣齊有穀榮漢有魯相穀
忠稷氏後稷之後稻氏姓苑晉陵人漢琅邪有

稻縣麻氏左傳齊大夫麻嬰呂氏春秋麻朝相馬
漢有麻光又麻達注論語又酷吏傳有麻戊後趙麻

秋苒秦麻思西魏麻瑤唐麻仁節嗣宗察後晉麻麟
宋麻希夢溫故仲英麥氏隋有麥鐵杖孟才唐高

力士母麥宋中官麥允言年氏風俗通年子國祝
融之後齊大夫年辛漢儒林傳年卿年融年長梁年

漢龍前趙年穆唐薛仁果將年君才宋牟袞苗氏
苗晉邑楚賁皇奔晉晉人與之苗子孫為苗氏王莽
時苗訢漢藝文志兵家有苗子說苑上古醫曰苗父
後漢苗光苗祀苗萌苗曾唐苗神客晉卿宋苗訓苗
授苗振時中又百
濟大姓有苗氏

播種豐殖陰陽調

播氏殷播執武之後種氏史記齊威王臣種首
豐氏鄭穆公子子豐其後豐卷豐施以為氏又魯有
孟氏御駟豐點宋有豐舒南齊豐勇之宋豐稷又複
姓伯豐氏列子圃澤之役有伯豐子殖氏左傳齊
有殖綽陰氏陰周采地大夫陰忌陰不佞陰里其
後為氏又齊管仲七世孫脩適楚為陰大夫因氏焉
漢陰子缺興識嵩德又晉瑕呂飴甥食采於陰曰陰
飴甥梁陰鏗戰國策中山君美人陰簡漢藝文志陰

通成射法後魏陰仲達陰世隆南齊陰智伯南涼陰
利鹿陳陰子春隋陰壽世師唐陰宏道德人陰長生
陽氏魯有陽膚陽虎陽越晉有陽處父楚穆王曾
孫陽句後有陽令終又周景王封少子於陽樊後裔
避周之亂適燕家於無終因邑命氏說苑陽書子莊
子有陽子居漢陽并陽球宋陽瓚燕陽裕陽鶩後魏
陽固北齊陽休之後周陽雄唐陽嶠陽浚陽城
陽惠元陽旻宋陽孝本調氏周官調人之後

蘭蘭薰藍管苞茅

蘭古開切
管古顏切

蘭氏急就篇注鄭穆公因夢蘭而生名蘭其後支庶
以為氏漢有武陵太守蘭廣晉蘭維梁有蘭欽趙人
蘭襄又匈奴蘭氏為名族秦蘭橫燕蘭建蘭英後魏
蘭延又複姓是蘭氏出鮮卑後魏是蘭安定蘭氏
漢有蘭忌儒林傳蘭卿薰氏見姓苑藍氏戰國
中山大夫藍諸梁藍懷恭宋藍元振昌言續僊傳藍

采和 管氏出趙郡唐有管崇嗣 苞氏見廣韻
茅氏茅國名周公子所封其後為氏又晉有茅茂和
有茅地茅夷鴻秦茅焦漢茅容茅蘭相工茅通
神僊傳茅盈固衷為三茅君唐藝文志茅處玄

瓠豆蒯蕢蒯鬱芻

黃古
恠切

瓠氏荀子瓠巴鼓瑟列子瓠巴鼓琴 豆氏後魏有
豆代田代人也又複姓有秦豆氏列子云造父之師

蒯氏漢有蒯徹後漢蒯良越宋蒯恩韓詩外傳齊
有蒯蒯蒯左傳晉有蒯得 蕢氏禮記魯有蕢尚

蒯氏宋有蒯昭敏五代太原蒯
進鬱氏見姓苑 芻氏見姓苑

歲萊莪薄莉苟苻

歲音箴莪音戎
莉音持苻音扶

歲姓黃帝子十二姓之一 萊氏國名晉有萊駒孟
子萊朱湯賢臣一曰仲虺齊有萊章魯有萊書又複

姓老萊子見前 茂氏後魏改茂魯氏為茂氏 薄

氏呂氏春秋衛有薄疑漢薄昭晉薄肅之薄盛 莉

氏姓苑淮南人 苟氏苟草名所居饒之因命氏衛

有苟變漢有苟賓苟參苟宇河內人一云晉大夫苟

氏之後避難改族而稱苟姓苑云黃帝之後後漢有

苟諫苟宇晉有苟晞苟秦苟池苟輔苟萇苟曜宋苟

思達後魏苟金龍北齊苟子溢又句氏避宋高宗諱

加州有苟謹 待氏晉待洪武都氏人本蒲氏因其

孫堅皆文有草付之

祥改為待唐待澈

蓼荼苦蘄蔣茆蒲 茶食

邪切

蓼氏皋陶之後封蓼以國為氏漢淮南王安蓼太子

外家姓也 荼氏漢江都王建弟使荼恬上書 苦

氏越大夫苦成莊子南方墨者苦獲又複姓晉卻犢

號苦成叔 蘄氏見姓苑漢沛郡縣名以為氏 蔣

氏周公之子伯齡封將以國為氏漢有蔣詡遵蜀漢
蔣琬魏蔣濟吳蔣欽唐蔣渙又宋蔣堂之奇元振又
複姓漢有蔣匠熙廣韻 芮氏芮伯姬姓國周有芮
良夫宋有芮司徒廣韻周司徒芮伯之後戰國策有
芮宋漢有芮珍宋有芮燧 蒲氏晉邑名又蒲國赤
翟隗姓尸子蒲之八歲舜讓以天下項羽傳蒲將軍
漢有詹事蒲昌蜀蒲禹卿宋蒲宗孟永昇惟敏又複
姓有蒲姑蒲城蒲圃三氏左傳莒有蒲餘侯茲缺又
蒲洪之先池中蒲生長五丈
如竹形時謂蒲家因為氏

英蔓芒萬蕩莽苴

英音頰萬音矩苴子魚切

英氏世本晉大夫英氏僖子王僧孺百家譜荀永之
娶平陽英氏 蔓氏楚蔓成然闕氏穆天子傳蔓柏
注蔓國名巴有蔓子 芒氏戰國魏有芒邠古者芸
氏初作羅 萬氏古今人表周師氏萬讀與槁同漢

有萬章又見急就篇 蕩氏宋公子蕩之孫蕩意諸
蕩澤古今人表蕩疑即薄疑也楚有蕩侯左傳又史
記秦伐蕩氏取之西夷之國音湯 莽氏漢馬何羅
反明德后耻與同宗改為莽 苴氏漢貨殖傳平陵
苴氏華陽國志蜀王封弟於漢中號曰
苴侯唐韋皋傳蠻有苴邨時苴夢衡

樹菑叢槩堪查柯

樹氏姓苑江東有之又後魏改樹洛于氏為樹氏老
子有樹鍾山注宋樹滋 菑氏孔融集有北海人菑
莊 叢氏見姓苑南唐叢鐸 槩氏姓苑東莞人本
姓薛避仇改之 堪氏風俗通八元仲堪之後 查
氏姓纂唐鄱陽查祥南唐查文徽宋有查道查陶查
本音如乘槎之槎宋真宗與道語及姓氏謂曰宜求
音之近而美者稱之又問姓所起引春秋會吳于相
以對自是改稱音若祖云又有查籛查深 柯氏姓

苑吳公子柯廬之後宋沈文季傳有錢唐富人柯
隆唐柯崇宋有柯穎仲常裴後魏改柯拔氏為柯

暮夕患痛兀蹶僂

僂叶力俱切
蹶俱衛切

試暮氏見姓苑夕氏後漢板楯蠻七姓有夕蜀有夕
氏患氏見姓苑痛氏見急就篇注云痛氏本盛

國之後姬姓周穆王哀痛盛姬改其族為痛氏元
氏後魏改樂安王元覽為元氏環州屬羌有如兀二
族范文正公集蹶氏周有蹶父姁姓見詩韓奕
蹶維趣馬見十月之交蹶氏左傳齊有僂埋

方劑岐雷和扁俞

方氏周大夫方叔之後又古今人表堯時有方回莊
子黃帝方明為卿漢百官表左馮翊方賞後漢方儲
方望唐方干宋方慎言滋疇崧卿劑氏呂氏春秋
齊靖郭君善劑貌辨岐氏黃帝時岐伯呂氏春秋

夏桀臣岐踵戎唐有岐靈岳晉楚王瑋舍人岐盛高
道傳岐暉雷氏黃帝時雷公之後漢有雷被雷義
雷緒晉雷煥後魏雷紹符秦雷弱兒唐雷萬春雷滿
雷少穎宋雷德驤孝友和氏義和之後一曰卞和
之後左傳晉有和組父漢和恭後漢上祿長和海
和洽晉和嶠後魏和跋和其奴代人趙和苞北齊和
士開隋和洪唐和達堯五代和凝子峴宋和詵
扁氏秦越人扁鵲莊子有子扁慶子俞氏太古醫
有俞附又古識味者俞兒漢有司徒掾俞連吳俞贊
晉侍御史俞歸將軍俞縱唐俞文俊俞僅元杞宋俞
獻可
卿偉

灸理經絡藥液扶

灸氏見姓苑理氏唐世系表皋陶之後世為大理
以官命族殷末有理徵廣韻皋陶為大理因以官為

氏經氏見姓苑說苑經侯帶玉具劍環珮過魏太子
絡氏見廣韻藥氏後漢藥崧晉藥紳後魏藥
道顯唐藥子昂後唐藥彥調後周藥元福藥可儔
液氏上古道術之士善錄化能作液湯後嗣因以液
為氏見急就篇扶氏漢有魯扶知傳論語又廷尉
扶嘉高祖以嘉志在扶翼賜姓扶氏後漢劉璋將扶
禁吳扶嚴後周扶猛
宋有參軍扶令育

仁顏伏零桂柴胡

仁氏姓苑彭城人顏氏風俗通漢有酒泉太守顏
暢伏氏伏犧之後漢有伏勝伏理伏湛伏黯伏恭
晉伏滔伏胤梁伏曼客後魏改侯伏斤氏為伏氏唐
伏適零氏見姓苑桂氏後漢太尉陳球碑有城
陽晃橫漢末被誅有四子一守墳墓姓晃一子避難
居徐姓香一子居幽州姓桂一子居華陽姓快此四

字皆九畫列子傳桂父象林人唐桂仲武柴氏衛
人高柴為孔子弟子居於魯末裔以柴為氏漢有柴
武唐柴紹吳柴再用克宏五代柴氏後周世宗宋柴
中行柴成務柴宗慶柴瑾胡氏春秋胡氏子國一
云陳胡公之後衛有胡衍秦客卿胡陽漢胡常胡建
胡殷胡騰胡廣蜀漢胡濟魏胡質晉胡藩唐胡楚賓
宋胡宿胡瑗胡令儀安國銓寅世將

紫苑厚朴薊艾蘆

紫氏見姓苑苑氏齊大夫苑何忌漢苑康唐苑君
璋苑大智苑咸苑論五代楚有苑政厚氏魯有厚
成叔後改為邱又複姓有厚丘氏朴氏後漢板楯
蠻七姓有朴氏巴夷帥朴胡唐新羅貴人姓朴高麗
人朴寅亮晉武都朴泰薊氏後漢薊子訓艾氏
齊大夫艾孔之後後漢汝南孝廉艾伯堅風俗通龐

儉母艾氏燕有艾朗南燕有艾涇宋艾頴艾晟後
魏去斤氏改艾氏 蘆氏後魏改莫蘆氏為蘆氏

益智杜仲雄附烏

益氏出馮翊漢周勃傳益已章邯將也 智氏晉荀
首分族為知氏其後營盤騾瑤漢有智嗣宋有智誠

杜氏出祁姓陶唐之後周為杜氏有杜伯晉杜原

欵涸羅杜蕢魯杜洩秦杜回杜摯戰國杜赫漢杜延

年周後漢杜茂喬密薦矩根希蜀漢杜微瓊魏杜畿

恕摯襲晉杜預又後魏獨孤渾氏改杜氏唐杜如晦

淹正倫遜佑黃裳審言甫宋杜衍鎬杞 仲氏風俗

通云氏於字湯左相仲虺周仲桓又魯仲遂仲嬰齊

宋仲江仲幾孔子弟子仲仲由後漢有仲光陳有仲肅

唐仲子陵無頗宋仲簡仲訥仲井 雄氏尸子舜七

友有雄陶新序楚雄渠子 附氏晉有附都 烏氏

齊有餘枝鳴莒有存素有獲唐世系表出姬姓黃帝

之後少昊氏以烏鳥名官以世功命氏唐有烏承玘
承恩重亂崇福知義漢功臣表烏黎以匈奴降後唐

震鳥

洗濯露冷參辛史

露音陰冷
力鼎切

洗氏梁高涼太守馮寶妻洗氏高涼蠻酋女隋番禺
賊洗寶徽濯氏見風俗通濯輯之後露氏見纂

文冷氏見廣韻後漢冷徵前趙有冷道唐冷朝陽
宋冷世光參氏世本祝融之後唐登科有參開

辛氏史記禹後有辛氏廣韻夏啟封支子于莘莘辛
聲相近遂為辛氏周辛甲辛餘靡辛伯辛有晉辛廖

辛俞魯辛寬秦辛勝楚辛戎漢初辛蒲為趙魏名將
徙隴西有武賢慶忌後漢辛都魏辛毗晉辛扈興辛

謚後魏辛諡雄北齊辛術後周辛慶之昂隋辛公義
彥之唐辛替否茂將祕雲涼讜宋辛仲甫次膺棄疾

炳後蜀辛寅遜史氏晉大夫
史駢淮南子史兒齊之知味者

神龍巴蛇復淖沮

淖音伏淖奴教切沮子魚切

神氏風俗通神農之後漢有騎都尉神曜龍氏舜
納言之後又董父氏曰豳龍其後亦為氏孟子有龍
子列子有龍叔孔叢子有龍穆魏將龍賈項羽將龍
且漢龍德龍迷龍端漢牂牁大姓龍氏北史且彌王
姓龍後唐龍敏宋龍昌期太初巴氏國名戰國策
魏有巴寧一作巴漢有巴茂巴肅巴祇又巴郡蠻五
姓有巴氏蛇氏後秦后蛇氏將軍蛇玄又復姓有
蛇丘氏漢有河內太守蛇丘感見後淖氏漢東海
淖中翁淖氏楚將淖齒戰國策有淖滑漢披香博
士淖方成江都王淖姬沮氏黃帝史官沮誦之後
後漢沮雋沮授
唐劉武周妻沮

蟲蟻蛾蛭貝魚

蟻音矯蛾音蟻蛭音充切

蟲氏漢曲成侯蟲達蟻氏國語少典取有蟻氏生黃帝炎帝禮記魯有蟻固漢百官表蟻望蛾氏左

傳晉有蛾析蛭氏齊大夫蛭龜又蟻氏貝氏出清河貝丘

姓苑古有賢者貝獨坐唐有貝韜見杜荀鶴詩魚氏春秋時魚缺左傳魚人漢為魚復縣又宋桓公子

目夷字子魚後為魚氏有魚石魚府漢魚翁叔魏魚恭符秦有魚遵梁魚宏隋魚俱羅虞慶則本姓魚唐

魚保家思賢宋魚崇諒周詢

江海鱗鮮貫就厨

江氏嬴姓國後為氏齊有江說楚江乙漢江公江德江韋江充晉江統江績宋江湛智淵齊江農梁江淹

陳江摠後魏江式南唐江文尉宋江休復公望海
氏見廣韻鹽鉄論衛靈公當冬穿池海春諫鱗氏

宋公子鱗之後鱗曜鱗朱鮮氏後蜀錄李壽司空
鮮思明貫氏國名姓纂戰國策齊有貫殊漢有貫

高儒林傳貫公長卿後漢居延都尉貫友後魏貫志
就氏後魏苑賴氏改有就德興尉氏晉魏錡號

尉武子又複姓左傳宋
有尉人濮尉邑大夫

魴鱒魴魴乾魴胸
魴音專魴七垢切
魴音干胸音魴

魴氏左傳魯邱邑大夫魴假鱒氏左傳吳鱒設諸
魴氏古今人表魴里乙荀子管仲誅付里乙魴

氏漢張良傳魴生楚漢春秋魴姓乾氏見姓苑
鮑氏禹之裔似姓齊大夫鮑叔牙古今人表鮑焦藝

文志有鮑子兵法漢鮑宣永昱駿信晉鮑靚宋鮑照
唐鮑防溶宋鮑慎由彪若雨當後魏侯力戊氏改為

鮑胸氏見姓苑漢東平王宇
姬胸臑鹽鐵論布衣有胸郕

騎馬騶驪駢駘駘寄切

騎氏史記燕將騎劫列仙傳騎龍鳴馬氏本伯益
之裔趙奢封馬服君後遂氏馬周有馬犯漢有馬宏

馬援馬武馬成馬融瑤蜀漢馬超良謨忠晉馬隆唐
馬周馬燧馬摠璘植懷素宋馬知節亮仲消仁瑞

騶氏左傳晉七與大夫騶歆鄧有騶甥騶氏騶戎
國之後騶氏周時有騶期見韓文公諱辨騶氏

漢有駱甲駱業駱壁駱俊吳駱統後魏改作佗駱拔
氏為駱氏唐駱賓王元光務整奉先吳駱知佯宋隱

士駱耕道駱氏晉卻克子卻錡曰
駱伯漢功臣表駱侯駱幾太常駱普

駢四圍棧駢校駢駢音韓駢
駢音駢

駟氏漢儒林傳駟臂子弓駟氏鄭穆公子駟字子
駟其孫駟帶以為氏魯有駟赤漢駟鈞駟勝先生後
漢駟協駟賢會稽典錄餘姚駟勲又複姓壤駟氏見
後國氏楚有國公陽棧氏魏有棧潛駟氏齊有三
姓苑校氏周禮校人之後唐校傑駟氏齊有三
駟子忌衍與漢閩粵王駟氏將軍駟力廣韻越王之
後

犁牛持犂牢牧俱

周切

犁氏齊有犁彌韓子魯有犁鉏牛氏宋微子之裔
司寇牛父子孫以字為氏晉有牛談趙有牛贊牛畜
列子牛缺淮南子牛哀漢牛商牛抵牛即牛述牛輔
風俗通漢有牛崇為隴西主簿馬文淵為太守羊喜
為功曹涼部云三牲備具後魏牛天祐隋牛宏唐牛
僧孺元翼牛進達仙客鳳及希濟後梁牛存節特

氏晉七與大夫持宮 犢氏犢麋古之醜人見呂氏
春秋色如漆陳侯悅之風俗通晉大夫卻犢之後
牟氏孔子弟子琴牢之後又左傳齊有牢成漢有牢
梁牢脩牢川 牧氏孟子孟獻子之友牧仲狂者牧
皮風俗通漢有越雋太守牧犂黃帝力牧之後後魏
牧子萬 俱氏符秦金城俱難俱石子南涼俱延唐
宦者俱
文珍

啖齧羊羴屠奚羴

啖徒
溫切

啖氏氏人符秦啖青前秦錄有將軍啖鐵通鑑啖鐵
徒敢切與啖同唐啖助宦者啖守盈庭瑤孝友傳啖
榮祿一作啖 齧氏莊子齧缺 羊氏晉羊舌大夫
之後呂氏春秋桀有羊羴左傳束有羊斟邾有羊羅
漢藝文志羊子著書故秦博士漢羊仲羊勝羊弼羊
陟羊續吳羊缺 晉羊祜秉權孚欣梁羊侃束玄保後

魏羊敦北齊羊肅唐羊士諤 魏氏晉有魏邑在河
東大夫食采先穀曰魏子士魴曰魏季魴之子魏襄
屠氏晉有屠岸夷屠擊屠岸賈屠蒯鄭有屠擊衛
有屠伯呂氏春秋晉大史屠泰秦有屠睢 奚氏夏
車正奚仲之後漢有奚涓奚意奚慈奚陟吳奚熙晉
奚朗唐奚陟宋奚嶼又後魏改達奚氏為奚氏奚斤
奚康生奚毅奚牧 辜
氏華陽集俞克母辜氏

豹鹿麋鹿猛虎狐

豹氏風俗通八元叔豹之後 鹿氏漢有巴郡太守
鹿旗魏將軍鹿磐後魏鹿念隋鹿愿唐鹿晏宏宋鹿
向後魏改阿鹿桓氏為鹿 麋氏漢麋信麋豹蜀漢
麋竺芳魏麋元晉麋晃麋吳越春秋楚麋侯宋麋溧
鹿氏秦始皇將軍鹿公風俗通漢有鹿宣鹿秦邑
猛氏宋大夫猛獲之後晉太子申生 虎氏八元

伯虎之後子華子虎會風俗通漢有合浦太守虎旗
孤氏莊子古賢人孤不偕韓子孤不稽又犬戎狐
姬唐叔之後狐突毛偃秦射姑皆其族又狐父又楚
申公巫臣奔晉其子狐庸呂氏春秋齊狐援韓詩外
傳魏狐卷子吳
越春秋楚狐父

彪熊犴狸猫貂狼

彪氏左傳衛大夫彪僕宋有彪居正熊氏季連之
後鬻熊其後熊繹封楚子孫以熊為號有熊率且比
負羈宜僚新序熊渠子左傳羿賢臣熊髡吳熊睦晉
熊遠北齊熊安生南齊熊襄唐熊望熊執易士瞻宋
熊本彥詩克知至犴氏漢梁孝王傳睢陽人犴反
狸姓國語丹朱之後神降于莘周內史過對惠王
使太宰以祝史帥狸姓往獻焉猫氏朱文公云
南徭洞竊發俘而詢之多為猫姓豈三苗遺種與

貂氏戰國策齊有貂勃
左傳晉有狼臙齊有狼遂疏
狼氏

鳳離翠鳥乙倉庚

鳥古鵲字

鳳氏神仙傳有鳳網離氏離婁亦曰離朱古之明
目者黃帝時人北燕有離班翠氏楚景翠之後避
入闕之遷逃匿改氏見急就篇鳥氏見纂文乙
氏魯展喜亦曰乙喜集古錄後漢魯相乙瑛前燕有
乙逸後魏乙瑛乙瑛乙瑛乙瑛乙瑛乙瑛乙瑛乙瑛
乙支文德倉氏黃帝史官倉頡之後左傳周有倉
葛又以官為氏有倉公魏有倉慈後魏倉跋庚氏
唐有太常博士庚季良又復姓庚市氏文選注引莊
子曰庚市子肩之毀玉淮南子曰庚市子聖人無愆
者也人有爭財相鬪者庚市子毀玉於其間而鬪者
止

霜鴻露鵠鵬鵠聲

鵠方免切

霜氏見廣韻

鴻氏左傳衛大夫鴻駟魁列子達蒙

弟子鴻超

露氏風俗通漢有上黨都尉露平國語

魯大夫露睹父司馬貞三皇紀露氏姜姓之後鵠氏姓苑東海人雕氏漢功臣表雕延年以匈奴王

降為臧馬侯

鵠氏見廣韻聲氏左傳蔡

大夫聲子莊子曰聲氏之半夜亡而遇夢

扈翟翼翰貳雙鳴

翟音狄翰音寒

扈氏有扈氏夏同姓國後以為氏趙有扈輒漢彭越

將扈輒王莽傳扈雲後漢扈瑁魏扈質晉扈懷後周

扈載扈蒙又扈彥珂翟氏齊翟僕新之後魏有翟

璜翟章翟強翟翦六國有翟景漢有翟旰翟方進翟

公翟牧翟萌後漢翟瞞晉翟湯後魏翟嵩隋翟普林

唐翟世言後周翟光業宋翟汝文守素翼氏晉翼

侯之後漢有翼奉藝文志孝經有翼氏說吳越春秋
楚翼侯水經注恬漢先生翼神翰氏左傳曹大夫

翰胡貳氏國名後秦錄有後魏平陽太守貳塵

雙氏見姓苑水經注漢有雙福宋雙泰真後魏中常

侍雙蒙唐高祖紀定州總管雙士洛宋
有巢縣人雙華雙漸鳴氏見廣韻

象蝟蝟蟒雙枉尤

雙音

象氏隋煬帝改楊玄感唐武后改蕭良娣蝟氏南
齊武帝改巴東王子響蝟氏唐武后改武惟良中

宗改李千里氏蝟蟒氏唐武后改王后雙氏見
姓苑枉氏廣韻號州有之尤氏見姓苑宋有尤

袁或曰沈氏改又尤
峭吳志鄱陽民尤突

羌狄戎貉奄蠻猺

貉音陌
又音鶴

羌氏出西羌史記秦有羌宛取趙地晉石冰將羌迪
通鑑羌毒狄氏春秋狄國之後唐世系表出姬姓

周成王母弟孝伯封狄城因為氏魯有狄子彌孔
子弟子狄黑禮記狄儀漢狄山夏將狄子王唐狄仁
傑宋狄藥栗遵度狄青高車種有狄氏戎氏齊人
戎夷之後晉有戎洋漢有戎賜宣帝戎婕妤唐戎昱
戰國策齊人戎郭貉氏孟子有貉稽說文北方人
豸種纂文曰俗人姓也奄氏國名書成王滅奄又
秦三良奄息又複姓史記嬴姓有運奄氏見後蠻
氏風俗通荆蠻之後左傳楚圍蠻氏後漢郡國志新
城有鄆聚古鄆氏徭氏漢更始有徭偉風
俗通東越王徭句踐之後其後以徭為姓

仇桀勇背侵邊邦

仇氏

風俗通有仇喜

桀氏漢功臣表襄城侯桀
相執論語桀溺勇氏國語吳大夫勇獲背

氏見廣韻 侵氏三輔決錄有侵恭 邊氏左傳周
大夫 伯春秋公子 宋平公子御戎字子邊其後
為邊氏 邊 漢邊通 邊鳳邊韶讓邊章宋邊榮唐
邊岡南唐 宋邊 邊知 西秦邊 邦氏
見姓苑後魏有 邦氏改為邦氏

政行化達斂肅從

政氏見姓苑 行氏周大行人之後後漢隗囂將行
風俗通漢有行祐為趙相又複姓行其氏 化氏
見廣韻 達氏呂氏春秋齊有達子亦見姓苑 斂
氏羌有斂岐見通鑑姚秦將軍斂成輔國將軍斂憲
又斂曼 斂俱又複姓魯有公斂陽
肅氏見姓苑 從氏姓苑云東莞人

端士抱藝懷器業

端氏見姓苑史記秦有端和園郎郾城士氏以士
官為氏晉士蒨之後蒨之孫士會又士渥濁士弱又
宋有士平衛有士榮秦有士睢吳士燮晉士猗唐士
英秀隋士燮宋士建中抱氏漢末杞匡避難改抱
氏後魏有抱嶷藝氏見姓苑懷姓左傳周分唐
叔懷姓九宗又唐之餘民一姓為九族漢徙豪傑三
輔諸懷吳有缺
籍志詩有業遵注宋人通鑑閩王親吏業翹

遴薦登崇徵用吉

遴氏見廣韻薦氏見姓苑登氏蜀有關東登人
樂平登定崇氏以國為氏縣為崇伯殷有崇侯見
世本徵氏吳有徵崇王莽欲遣嚴尤廉丹擊匈奴
皆賜姓徵氏號二徵將軍用氏漢有高唐令用蚪
吉氏尹吉甫之後唐世系表出自姑姓南燕後改
為吉漢有吉恪太醫令吉平魏吉茂晉吉朗挹宋吉

翰梁吉缺士缺秦吉叱唐大厯才子吉中
字九老吉缺又吉項吉溫吉宏宋吉觀國

百僚千品藹備職藹於蓋切

百氏漢酷吏傳南陽有百政僚氏晉有僚安魯有
侍人僚祖千氏風俗通漢有蜀郡都尉千獻品
氏見姓苑藹氏晉南海太守藹真備氏風俗通
宋封人備之後職氏周有職方氏因官為氏風俗
通漢有山陽令職
洪唐有職南金

保傳承輔統相國

保氏呂氏春秋楚有保申為文王傳傳氏傳說出
傳巖因為氏左傳晉有傳俊鄭有傳取史記燕傳
傳豹漢傳寬傳介子傳喜育變唐世系表傳氏出姬
姓黃帝裔孫大由封傳邑漢牂柯大姓傳氏晉傳玄

咸宋傳傅隆後魏傳永唐傳弈宋傳堯俞察崧卿
輯又復姓有傳餘氏本自傅說見後承氏漢有承

宮輔氏晉天輔踪智果別族于太史為輔氏唐
宦者輔璆琳又輔公祐輔儼輔良交宋輔廣朱文公

門人統氏見廣韻相氏後漢巴郡蠻五姓之一
後秦相雲作德獵賦國氏齊太公之後世為上卿

有歸父佐弱夏又鄭穆公子發字子國其孫國參以
為氏又邢有國子漢有議郎國由魏有國淵晉有國

欽漢藝文志有國筮子
又百濟八姓有國氏

風力咎單咸說奭

單音善說音悅

風姓伏羲氏之後黃帝時風后左傳任宿須句顓臾
風姓也魯僖公母成風力氏黃帝時力牧之後後

漢力子都東海人見王莽傳咎氏商書咎單作明
居晉咎犯單氏周單公之後又楚有單浮餘曾子

有單居離莊子魯有單豹漢功臣表有單究歷志單安國儒林傳單次後漢單颺魏單固唐單雄信宋單孟陽夔後魏改渴單氏為單咸氏姓苑巫咸之後東海有之唐集賢注記有咸廩五代咸師朗說氏傳說之後與氏避漢元帝諱改為盛水經注盛允其先與氏

畢榮尹號產亮勃

畢氏周文王之子有畢公高者其後以為氏畢萬即此族也晉又有畢陽韓有畢長世本畢任姓漢有畢衆畢由粵將畢取滕有畢戰後魏畢衆敬唐畢構畢誠曜宋畢士安仲游榮氏周大夫食采於榮武王亂臣有榮公書有榮伯春秋有榮叔國語榮夷公皆榮氏也呂氏春秋黃帝命榮援鑄十二鐘魯榮成伯藥聲伯之子晉榮駕鸞楚榮黃邠人榮啟期宋人榮蚩孔子弟子榮祈漢有榮畜榮廣榮邵西魏榮權

榮建緒榮毗唐榮九思來榮誣詢之尹氏周尹佚
尹吉甫之後晉尹鐸鄭尹何趙尹皋齊尹文尹士荀
子湯誅尹諧漢尹更始翁歸賞咸齊敏尊逢頌古今
人表堯師尹壽漢牂柯大姓尹氏有尹珍楚有尹黑
梁尹德毅後秦尹緯隋尹式唐尹元凱思知章宋尹
源洙煇又復姓尹文氏齊有尹文子著書列子尹文
先生號氏周號仲號叔之後宣王時號文公幽王
號石甫晉有號射產氏姓苑出彭城亮氏古今
人表亮父顓頊師姓苑有之勃氏宋太師之後晉
寺人勃鞞亦曰勃貂梁武帝改豫章王綜為勃氏

遂為鬪范石鬼漂

遂章委切
漂音泄

遂氏楚遂章之後有遂子馮啟彊射泄萬氏周有
萬國又楚為賈子艾獵即孫叔敖也鬪氏楚若敖
之後有鬪伯比子文范氏陶唐氏之後晉士會食
采於范曰范武子子文子甕又楚范山范無宇越范

魏范座秦范唯西楚范增漢范遷范昆滂丹魏范
粲晉范甯唐范履冰宋范仲淹純仁鎮祖禹石氏
衛石碣之後又周有石速石張石尚鄭石制齊石之
紛如石他楚石奢宋石弼魏石申夫漢石奮吳石偉
唐石洪演芬雄抱忠宋石介延年揚休公弼鬼氏
黃帝臣鬼史區殷有鬼侯紂之三公藝文志鬼容區
泄又韓子有泄子古賢者

兒匡袁崔盧裴郭

兒古
倪字

兒氏漢兒寬兒湯兒長卿兒式六國有兒良宋有兒
說後漢兒萌兒宏亦作倪唐有倪若水宥宋倪濤思
匡氏魯有匡句須家語匡簡子孟子匡章齊人韓
子齊有匡倩豫章匡俗夏禹之苗裔漢匡衡咸晉匡
術袁氏陳公族興爰轅同春秋袁僑漢袁安晉袁
宏宋袁粲唐袁滋恕已宋袁變樞崔氏齊丁公之

子食采於崔因為氏漢崔駰寔晉崔豹後魏崔浩隋
崔仲方唐崔祐甫崔玄暉宋崔與之盧氏姜姓食
采於盧以為氏秦盧敖漢盧紹盧芳魏盧毓唐盧懷
慎適裴氏伯益之後非子支孫封裴卿因為氏後
徙封解邑去邑從衣漢裴翰裴遵晉裴楷唐裴度裴
迪裴遵慶耀卿裴休宋有裴煜疏勒王裴氏郭氏
周王季子統叔之後號聲轉為郭其後為郭氏又春
秋有郭公亦國也以為氏晉有郭偃齊有郭最榮魯
有郭重燕有郭隗漢有郭伋賀郭崇基唐郭子儀元
振孝恪正一待舉後唐郭崇韜宋郭崇守文達雍祥
正贊忠恕
勸申錫

于謝徐沈許向郝向音餉

于氏本周武王子封邾後去邑為于氏漢于定國甄
文志于長吳于詮魏于禁後魏改萬紐于為于氏有

東缺什門後周于謹隋于仲文唐于志寧休烈卽琮
頓通鑑改勿怛于為于氏謝氏南陽隸陽縣有謝
城周中侯於此作邑後為氏又世本謝任姓黃帝之
後魯有謝息漢謝堯謝多謝該謝夷吾謝曼卿郗甄
廉吳謝景晉謝安玄宋謝宏微靈運莊齊謝朓涼
謝父唐謝偃本直勒氏改又謝良弼唐東謝靈謝氏
宋謝絳良佐泌又復姓謝丘氏周宣王支庶食采其
後為氏古今人表謝立章徐氏嬴姓國後為氏六
國徐尚吳有徐承孟子徐子徐辟趙有徐越宋有徐
子漢徐樂徐生徐明徐敖徐防徐緝徐庶魏徐邈幹
宣晉徐寧宋徐廣湛之梁徐渠陳徐陵唐徐有功彥
伯堅南唐徐鉉錯宋徐積俯無黨處仁沈氏臺駘
之後有沈國又春秋沈子國又楚沈尹戌子諸梁皆
為氏魯人沈子善春秋孟子有沈同後漢沈景王莽
傳沈意晉沈玠吳沈珩宋沈慶之梁沈約沈重唐沈
佺期既濟宋沈倫沈括與求又姓苑沈氏直深切泰

山人許氏姜姓太嶽之後封許以為氏一云許由
之後由潁川陽城人鄭許瑕楚許伯許偃漢許昌許
商後漢許敬幼靖慎隋許憲唐許圜師許遠叔才孟
容宋許翰景衡將仲宣元向氏宋公族向戌之後
又向國姜姓衡有向禽秦有向壽後漢向栩晉向秀
向雄呂氏春秋殷內史向摯宋向敏中郝氏廣韻
殷帝乙時子期封太原郝鄉因為氏魏郝昭唐表云
出自郝省氏太昊之佐也裔孫期封郝鄉漢郝賢郝
黨郝絮吳郝普晉郝隆隋郝瑗唐郝延俊郝廷
玉郝宋郝質郝仲連晉匈奴郝度前燕郝晷

建謀納善允意合

建氏楚王子建之後漢元王傳有建公謀氏風俗
通周卿士祭公謀父之後納氏見姓苑
屬納氏善氏呂氏春秋善卷堯師唐有博士
善典武懷亮妻善氏後唐善友允姓瓜州之戎見

左傳又複姓莫允氏高車十二姓
氏見廣韻合氏宋向戌邑謂合左師意

郎尉攸司令僕主

郎氏後漢郎宗顗吳臨安民郎雅晉郎奕涼郎坦後
魏郎苗北齊郎基隋郎蔚之楚之唐郎餘令士元發
宋郎簡尉氏以官為氏鄭大夫尉止秦尉錯尉繚
又趙佗稱尉佗南涼尉賢政又虜姓尉氏尉遲氏改
音熨後魏尉眷尉元尉長命尉撥攸氏北燕尚書
攸邁司氏鄭有司臣司齊魏門候司蕃後周有司
超令氏漢中大夫令免後漢夷邑長令田僕氏
楚有僕析父風俗通漢功臣表有僕明史記僕多後
魏改僕蘭氏為僕氏有
僕蘭主氏見姓苑

舉賢析鎮督畿部

部蒲口切
叶音簿

舉氏國語楚大夫舉伯見姓苑賢氏見廣韻析
氏齊析歸父楚析公衛析朱鉏鎮氏見姓苑析
氏左傳晉有督戎風俗通漢有督瓊又後漢板楯蠻
七姓有督畿氏後魏侯畿氏改部氏見姓苑

都水濮雒滑濟潞

都氏漢越郎都稽封臨蔡侯馬援傳九真賊黨都羊
秦有都貴水氏見姓苑濮氏姓苑衛大夫食采
因氏焉雒氏古今人表舜友雒陶後漢交趾人雒
將女徵側滑氏姬姓國左傳衛大夫滑羅漢光祿
大夫滑堪風俗通漢詹事滑典韓子周滑之後魏唐
孝友傳滑清泌濟氏見姓苑襄城人潞氏潞子
國春秋赤
狄潞氏

將作梓匠顓錯墨
故切倉

將氏左傳宋將鉏史記燕將渠後趙有將容梓慶魯漢涿郡太守作顯梓氏本梓人之官莊子梓魯大匠左傳魯有梓慎匠氏本匠人之官風俗通氏於事莊子有匠石左傳晉匠麗氏魯匠慶又複姓將匠氏見後顯氏神仙傳太玄女顯和錯氏宋大夫牢錯之後墨氏春秋少陽篇墨允墨智伯夷叔齊也史記索隱伯夷姓墨胎氏宋墨翟著書唐王鎔傳屠者墨君和

禁省朝賀贊涓謁

省所景切
朝音潮

禁氏見姓苑吳興人省氏宋大夫省臧朝氏蔡大夫朝吳聲子之子唐日本入朝衡漢臧錯亦作朝賀氏漢慶純避安帝諱改吳賀齊賀郎晉賀循梁賀瑒琛後魏改賀賴氏為賀氏唐賀知章德仁後梁賀瓌石晉賀亢宋賀惟忠鑄允中贊氏呂氏春秋相馬贊君涓氏列仙傳有齊人涓子漢司隸涓

荀子夏首之南有涓蜀梁
風俗通漢汝南太守謁渙江
謁氏

巫卜祈占祕尸祝

巫氏氏於事殷巫咸巫賢呂氏春秋巫彭作醫漢冀
州刺史巫捷又巫都著養生經宋巫伋又複姓公巫
氏左傳魯公巫召伯見後孔子弟子卜事魯卜國卜
錡卜楚丘晉卜偃秦卜徒父孔子弟子卜商韓子有
卜皮漢卜式吳卜靜晉卜顯劉聰時卜崇唐卜隱之
卜長福又複姓須卜氏匈奴姓祈氏周祈父之後
晉祈嘉宋祈廷訓占氏陳大夫子占之後古今人
表占尹祕氏漢功臣表祕彭祖西秦錄僕射祕宜
後晉祕瓊尸氏秦尸佼為商君師著書風俗通其
先封尸後為氏祝氏鄭祝聃之後祝欸衛祝鮒亦
氏焉又世本祝任姓秦祝懼莊子祝腎左傳齊祝佗
父漢有九江祝生祝午祝恬祝良唐祝欽明唐世系

表黃帝之後封於祝宋祝
諫天輔又復姓有太祝氏

虔夙嚴慎那偃息

虔氏陳留風俗傳祖於黃帝夙氏魯大夫季孫夙
之後嚴氏韓有嚴遂本莊氏漢史避明帝諱改嚴
助嚴安彭祖君平光皆莊氏後漢改氏嚴吳嚴陵唐
嚴挺之善思郢震維從礪宋嚴有翼慎氏魯將軍
慎子楚太子傳慎子又慎到著書漢文帝慎夫人吳
越慎溫其宋慎從吉東美又複姓荀子魯有公慎氏
慎潰氏那氏西魏揚州刺史那椿後魏遼西太守
那頡偃姓皋陶之後舒庸舒鳩左傳吳大夫偃州
員又複姓有偃師氏陳太子偃師之後息氏以
國為氏左傳楚有息桓唐李白詩有示息秀才

斟鬲逢宏仇紀因

斟氏斟灌斟尋氏夏同姓國名后相所依史記如姓
斟氏又祝融八姓有斟姓 鬲氏夏國名夏遺臣

靡 有鬲氏廣韻殷末賢人膠鬲之後 達氏古有

逢蒙 姜姓逢公伯陵封齊地漢逢萌逢紀藝文志

逢門射 即逢蒙史記蓬門廣韻逢姓出北海齊有

逢丑父唐逢行珪 宏氏呂氏春秋衛有宏演漢宏

譚倭幸傳宏恭晉尚書令宏訥唐避諱改李氏又改

洪氏 仇氏宋有仇牧戰國策仇赫史記趙有仇夜

王莽傳有仇延後漢仇覽唐仇冕仇公遇宋仇愈

紀氏姜姓國後為氏莊子紀他紀消子列子紀昌漢

紀信紀通紀遂吳紀騰晉紀瞻梁紀少瑜隋

紀宏整唐紀處訥 因氏左傳遂國四族

卞包余蔡蹇蹇名

蹇音鍵通鑑
考異音件

卞氏莊子湯時卞隨又曹支子封卞以為族又魯卞
邑大夫卞莊子楚卞和後漢卞忌魏卞蘭晉卞壺梁

卞華 包氏楚申包胥之後漢有包咸隋包愷唐包融二子何佶宋包拯 余氏風俗通秦由余之後姓

苑新安人梁有余孝頃唐余知古見藝文志四門直講余欽見儒學傳宋有余靖余中 蔡氏周文王子

蔡叔之後以國氏晉有蔡墨楚蔡鳩居蔡賜秦蔡澤漢蔡義蔡茂蔡邕玄倫晉蔡謨宋蔡廓興宗唐蔡允

恭梁蔡大寶宋蔡齊蔡襄挺元定 蹇氏秦有蹇叔說文魏文侯大夫蹇重後漢宦者蹇碩姚秦趙玄司

馬蹇監 蹇氏後漢蹇朗袁宏紀作蹇朗通鑑從之蜀有之晉李特將蹇碩宋有蹇周輔 名氏楚大夫

彭名之後

務詹求邴龐繆員

繆音穆員音運叶音云

務氏列仙傳湯讓於務光莊子作督西秦務和詹氏周詹父詹桓伯晉詹嘉號大夫詹父鄭詹伯楚詹

何一作瞻莊子公子牟謂瞻子楚辭太卜鄭詹尹淮
南子作詹唐詹俊宋詹良臣儀之又求氏本居衛
裴氏之地後轉為求漢有求仲 邴氏泰山下邑居
者以為氏晉邴豫邴師齊邴歆邴夏邴意茲漢邴丹
邴尊魏邴原晉邴郁後魏邴蚪隋邴元真邴邵 龐
氏周文王子畢公高後封龐因氏焉魏有龐涓龐
燕有龐煖漢有龐真奮雄參龐德公蜀漢龐統魏龐
涓唐龐嚴堅孝泰蘊卿惲承鼎宋龐籍 繆氏秦繆
公之後漢儒林傳繆生後漢繆彤荀子燕繆緇史記
趙宦者繆賢漢繆斐魏繆襲晉繆蔚後趙繆嵩晉繆
播又音繆漢亳人繆忌 員氏前涼有員敬唐員半
千其先本劉氏十世祖凝之事宋及齊受禪奔元魏
以忠烈自比伍員因自姓員又
員嘉靜員寓倣錫宋有員興宗

矯抗暢適岑谷冥

矯氏列子醫有矯氏後漢逸民傳矯慎廣韻風俗通
晉大夫矯父之後抗氏後漢有抗徐為長沙太守
風俗通衛大夫三抗之後漢有抗喜為漢中太守
暢氏唐有暢當暢諸唐藝文志暢惠明論語義注宋
伊川門人暢大隱適氏見廣韻岑氏風俗通古
岑子國之後出姬姓周文王異母弟耀子渠武王封
岑子漢岑彭岑晫梁岑善方唐岑文本岑參宋岑象
求谷氏漢谷吉谷永谷恭谷崇吳谷利吳谷顏碑
非子封秦谷因氏馬後魏谷渾晉谷儉後魏谷缺谷
楷唐谷那律谷從政谷況孝友傳谷感德冥氏漢
儒林傳冥都史記禹
後有冥氏因國為氏

功庸捷賞超序格

功氏風俗通晉有功景又複姓姓苑有漢管陵令成
功恢禹治水告成功後為氏庸氏國名詩孟庸注

庸姓也史記齊庸職漢膠東庸生譚又有庸光戰國策秦庸芮捷氏漢藝文志捷子齊人西秦捷虔

賁氏廣韻吳姓有之吳志賁林起氏漢有太尉超喜序氏禮記序點揚解又叙氏見廣韻姓苑格

氏允格之後東觀記有侍御史格班隋末格謙稱燕王唐格輔元希玄父處仁號陳留八俊

起信噲援灌爰鄺噲音快
鄺音樂

起氏見姓苑呂氏春秋秦有起賈信氏魏信陵君之後史記趙有信期秦將信梁噲氏孝子傳噲參

鵠銜珠與之援氏見廣韻灌氏夏斟灌國其後為氏漢有灌嬰灌夫魏有灌均晉有九真太守灌遂

爰氏與束同漢功臣爰類又爰盎爰叔爰禮爰延爰曾號城頭子又韓子有爰騫列子爰旌目魏爰邵

鄺氏本縣名為氏漢鄺食其鄺商後漢鄺炎後魏鄺範道元詮唐鄺定進

靳蓋邱到种折岳

蓋才
蓋切

靳氏楚靳尚韓靳黈漢靳歙靳彊靳允唐靳恒靳孝
原蓋氏齊邑名漢蓋公蓋寬饒後漢安平侯蓋延

又蓋咸蓋豫唐蓋文達文懿嘉運韓詩外傳晉舩人
蓋胥邱氏漢靈壽侯邱彤風俗通吳仲為夏車正

自薛封邱其後為氏水經注漢有河南尹邱崇到
氏宋有到彦之楚令尹屈到之後漢有東平太守到

質陳有到仲舉种氏仲山甫之後後漢种暠宋种
放世衡師道唐有种如願折氏後漢折像其先張

江封折侯曾孫國因為氏西秦折斐後周折從阮宋
折德宸御勲世守府州後有彦質岳氏宋有岳飛

相州人
孫珂

蘇幸珂省棋忌軋

蘇音應珂於河切
棋音欺軋乙照切

蘇氏漢有蘇祕為南郡太守幸氏漢有幸都幸成
晉有幸靈唐有幸南容柯氏莊子有柯荷甘

氏風俗通實人七姓有沓後魏沓盧氏改有沓龍
棋氏見廣韻忌氏風俗通周公忌父之後軋

氏古今人表軋子

聚橘番據裔顯瘠

聚氏詩聚子內史古今人表作振橘氏詩橘維師
氏番氏詩番維司徒漢右內史番係據氏見姓

苑裔氏左傳齊有裔款顯氏風俗通顯父為
周卿見詩韓奕瘠氏齊侍人瘠環瘠姓見孟子

豎彌通躬招辱謹

豎氏齊宦者豎刁鄭大夫豎拊淮南子禹使豎亥步
自北極至南極彌氏衛有彌子瑕三輔決錄新豐


彌升史記酷吏傳有彌僕通氏見姓苑
姓苑招氏漢大鴻臚招猛辱氏見姓苑
躬氏見

見廣韻

始嘗專允還投免還音

旋

始氏秦章郎使候始成使項羽注始姓
通孟嘗君之後專氏吳有專諸允氏見姓苑
章將允榮朝還氏左傳蕭大夫還無社
卽伯周畿內侯桓王伐鄭投先驅以策其後焉
光祿投呂氏春秋相馬漢有免公
投伐褐免氏漢有免公



姓氏急就篇卷上